



谷州志卷十一

選舉志

人之宦于朝與他省者必有選舉始古虞周取人之法備著于經漢以來猶近古隋唐設科目歷代相仍進士始于禮王制而後世以辭章選與考德行舉才能異矣然邑之賢才多出其中而舉孝廉者亦相望不絕科目重人人亦當使科目重也科目之外登進者亦不一途爲臚列其名以垂不朽焉志選舉第十一

進士

宋天禧

馮式

慶歷

蕭叔獻

田育

皇祐

何宗元

嘉祐

何仲元

劉公儀

元祐

蒙汲

袁蒙正

張勰

李闔

紹聖

蹇昂

許昌元

元符

袁願正

崇寧

羅巽

史權

何上行

政和

衛成穎

宣和

衛充國

建炎

何道輔

李季先

景卓

紹興

黃文中

龐巽

楊造

張時

李高

張獻忠

王允之

安剛中

龐守

李杭

張密

龐愈

趙性

王重慶

何和

袁豈

任中正

令狐恪

黃夏卿

張注

朱灝

衛崇

張百朋

度萬全

王如慈

張百祿

隆興

張中

衛庚

任肯堂

乾道

梁椿

鄧松年

衛峻

鄧栢年

張珪

淳熙

王益

趙師仁

龍甲

賈辰

馮萬全

李元信

王伯炎

李傑

李炎震肅之弟

柳辰

勾龍卯

勾龍士榮

麋正

慶元

杜浩

馮槩

劉中洪

嘉泰

張之卯

冉木

楊元甲

王亢

劉該

王炎仲 九弟

張寅發

嘉定

張萬

衛李耕

仲炎慶

趙希昔

趙與交

龐桂

喻新

趙希得

張巽揚

劉仲躬

明正統

陳

价 巳未奇銅梁學官 右副都御史

李

實

壬戌官右都御史

李

英

庚辰貴州參議

越

堅

戊辰

涂

性

戊辰

王

壁

戊辰官御史

魯

昂

景泰

伍

善

辛未官御史

李

稷

甲戌

費

廣

甲戌任浙江道御史

天順

趙

傑

丁丑任太常寺博士

李

贊

丁丑任南城縣知縣

劉

仁

癸未山西道御史 陞雲南副使

成化

陳

揆

巴丑主事陞貴州副使

羅九鼎

壬辰任大理評事陞雲南副使

馮

衡

乙未任吳江知縣

龔

鐘

乙未主事

何

愴

戊戌官御史

王

璽

丁未任給事中

鄒

智

丁未翰林院庶吉士

弘治

盧

儀

癸丑任陝西道監察御史

田

瑛

丙辰任員外郎

正德

趙

官

辛未

王

俊民

甲戌任給事中

趙

章

庚辰任郎中

朱

璠

辛未

嘉靖

王嘉賓

丙戌翰林任參政

王

順德

甲辰

文

方

甲辰任給事中

李

尚德

翰林

隆慶

張仲薩

戊辰官行人

萬曆

李作舟

壬辰歷布政使

苟

文輝

胡世賞

辛丑任刑部侍郎

康

新民

丁未

歐陽調律

庚辰

王

大受

癸丑

王策 癸丑官御史

王祚昌 癸丑

王任杰 丙辰

程宇鹿 任知州

天啟

何凉 壬戌

程宇龍 壬戌

崇禎

朱耀先 癸未

國朝乾隆

羅醇仁 乙丑見人物

張衡猷 辛巳寄銅梁學任江蘇新陽縣知縣

嘉慶

劉泰宇 己巳恩賜進士翰林院檢討

道光

羅衡 丙戌卽用知縣

郭先本 辛丑卽用知縣

陳敬簡 乙巳兵部主事

朱夙 丁未卽用知縣

同治

蔣璧方 甲戌庶吉士授職翰林院編修

許望古 漁吉士 對鄰 蘇烈

高宗

戴楷簡 陪主事

朱 兪 用 未 曉

孫 漸 丙 辰 總

淳夫本 辛 旺 曉

徽宗

隆泰年 鎮林 訓 總 情

真宗

集人

明永樂

周 榮 癸未科 任 福

龐 遜 乙酉科 任 綬

馮 敏 乙酉科 任 安

李 幹 戊子科 任 湖廣

李 盛 戊子科 任 光祿

羅 庸 戊子科

胡 甯 辛卯科

陳 价 壬辰科 見進士

周 茂 甲午科

陶 以甯 甲午科

彭 福 丁酉科 任 曲靖府 同知 陞 遼東苑馬寺

李 滋 癸卯科 任 至

胡 敏 甲辰科 任 楚

正統

曾 昂 見戊午科

李 英 見辛酉科

羅 昭 見甲子科

冷 性 見丁卯科

王 璧 見丁卯科

伍 善 見進士科

李 實 見辛酉科

越 堅 見甲子科

費 廣 見丁卯科

黃 宣 見丁卯科

陳 璽 見丁卯科

景泰

李 稷 見庚午科

陶 贊 見庚午科

盧 鎔 見癸酉科

陳 僑 見庚午科

易 讓 見癸酉科

李 朝 見癸酉科

趙 傑 見癸酉科

薛 魁 見癸酉科

王 瓚 見癸酉科

胡 漑 見癸酉科

李 贊 見丙子科

羅 獻 見丙子科

周 駿 見癸酉科

劉 仁 見癸酉科

盧 鼎 見癸酉科

袁 寶 見丙子科

胡 綱 見丙子科

天順

胡 弼 見己卯科

鄭 紀 見壬午科

周 本 見己卯科

胡 康 見壬午科

成化

選舉

馮衡 乙酉進士

蔡和 乙酉趙州學正

陳揆 乙酉進士

楊崧 乙酉知縣任英

羅九鼎 乙酉進士

胡益 戊子縣教諭任河

何倫 戊子縣知縣任

龔鐘 戊子進士

牟淵 辛卯科

王璽 甲午進士

伍夔 甲午科教諭任竹

敖公輔 甲午知縣任揭

何悌 丁酉進士任漢

李泰 丁酉州知縣任

李榮 丁酉縣教諭任漢

李鳳儀 丁酉成縣知縣任

熊飛 丁酉安府推官任陝西

王器 丁酉化縣教諭任清

范良 丁酉州府通判

李和 庚子縣教諭任含

蔣勸 癸卯知縣任

杜時 癸卯王府教授

鄒智 丙午進士解元

雷洪 丙午

周瑞 丙午

越孝 癸卯

弘治

鄒春 乙酉任清水縣教諭智之兄

胡邦佐 乙酉

盧儀 乙酉進士

朱昌 乙酉州學正

文大用 乙酉

胡翹

田瑛 乙酉進士

羅泗

李述

趙琪

雷啟

趙宰

胡守約任知府

趙官現進士

謝依

越尚德

何吳卿

趙章

正德

王俊民見進士

李邦有

黃茂

鄒遵

文方見進士

李尚德見進士

胡岐鳳

文誠

嘉靖

王嘉賓見進士

王順德見進士

李儼

戴月桂

李諫任郡丞

胡惟臣

余升

趙汝為

張尙德

康國賢歷評事

田九核

匡振之

張仲權見進士

張鎔

張尚慶

高明

曾士交

趙杰

胡謙

董邦禮

陸价

張翁

隆慶

陳乾亨 任主事

馬斯才

何一言 任州知

王近臣

程雅

符璽

萬曆

朱時聘

朱時行

李作舟 見進士

程宇鷺

董盡倫 任清水知縣歷陞鞏昌府同知

王策

費用申

王一舉

李梁棟 任州知

程宇龍 見進士

程宇鹿 見進士

符世傳

盧大器

王任杰

蒯文輝 見進士

程三元

余田

王大受 見進士

王祚昌 見進士

胡世賞 甲午見進士

李明舉

康新民 見進士

歐陽調律 見進士

龔桂

何涼 見進士

龔椿

天啟

羅大絃

朱汝楫 任知縣

崇禎

朱耀先 見進士以上
科分俱無考

國朝順治

楊開運 甲午任福建
泰寧縣知縣

康熙

張天鹿 癸卯

秦鴻業 己酉

石邦柱 壬子

石邦楫 甲子任潼川府
學正邦柱之弟

袁雍 甲子任福建
章平縣知縣

苟金薇 甲子歷官廣西
新寧州知州

何文翔 丁卯任鹽亭
大邑教諭

董禎 己卯任湖廣
仰陽縣知縣

石璵 戊子邦
楫子

韓良臣 丁酉

雍正

鄒珩 癸卯

何大麟 癸卯

劉順璽 甲辰任江南
沐陽縣知縣

乾隆

羅醴仁 辛酉見
進士

王書 辛酉

嚴敏 辛酉

王春 丁卯書
之弟

李時中 癸酉

董樞 丙子現任雲南
廣通縣知縣

黃道中 己卯任福建
莆田縣知縣

朱懋純 己卯恩賜
翰林院典簿

張衡猷 己卯見
進士

王元兆 己卯任九
姓司訓導

苟文炳 己卯任
山縣訓導

文在人

壬午任鄆都縣訓導

顏熙

壬午恩賜國子監學正

宋珍

乙酉

袁雲章

庚寅任天全州廬山縣教諭

苟桓

辛卯任敘永廳永甯縣教諭

傅思任

丁酉任敘州興文教諭

李廷掄

己亥

楊士鏞

癸卯

彭世儀

癸卯

張乃孚

癸卯衡猷子

熊焯

丙午

蕭敏元

己酉

劉仕欽

己酉

馮鎮巒

壬子

吳暉

乙卯

文基和

乙卯

嘉慶

戈廷幹

戊午

李廷諤

戊午

張天海

戊午

陳潤

庚申更名立勳

熊炳

辛酉

劉觀瀚

庚午

吳式誠

癸酉

羅衡

丙子

彭光祥

己卯

莫春暉

己卯

道光

彭定仁

辛巳任崇甯縣訓導

姜大猷

辛巳四會知縣

劉秦呂

壬午

蔡器亨

戊子

鄧祖慶

甲午

何平尤

甲午任越雋廳訓導

蔡器蘊

丁酉

郭先本

丁酉任廣西武緣縣知縣

郭用成

己亥解元

袁可鑑

己亥

陳敬簡

庚子北榜

王基峩

癸卯

沈德謙

癸卯

朱 奩

丙午

歐陽步雲

丙午

咸豐

周作孚

壬子

張中榜

乙卯

劉肇觀

乙卯貴州遵義知縣

蔣璧方

己未

同治

秦代馨

丁卯

伍凌霄

丁卯

陳昌陽

庚午內閣中書

趙用修

庚午

王必成

庚午

張宗翰

癸酉

程業修

癸酉北榜



野業
北縣 受西

貢生

明洪武

馮志才

萬志得

張鐸

張英

張震

何斌

許勝德

王源
武陟知縣

康健
刑科都給事中

張從敬

熊璞

吳興德

戴文勝

童子先
倉大使

王喜

王從道
雷臺知縣

建文

蔣叙

王壽

鄒子華

永樂

周

榮

見舉人

鄒應春

知縣

王綬

鄧良

知縣

魏思聰

陳仙昂

匡志善

交趾尚文州司知

王復禮

王觀

譚忠

張思賢

南陸縣知縣

王良

李齊

陳儀

余必華

趙智

鄒應昭

陳清

朱禮

劉深

羅鳳

孫祐

劉郁

呂熊

冉興

王範

孫成

李皓

鄭

張應聰

宣德

李志榮 應山縣知縣

陳添佐 湖口縣知縣

雷應聰

何淮 金吾衛知事

王瑄 肅山縣丞

王舟

劉綱

王庭

正統

張哲 鈞州刺史

張清 來陽縣丞

何清

陳惟善 平江縣丞

張宣 南宮縣丞

周以成 彰德府訓導

易讓 見舉人

丁傑 當塗縣教諭

周倫 陝西寧夏提舉

舒泰 長洲縣丞

景泰

劉宗匯 秦州判官

陳繼本

岳時用 長陽縣知縣

唐魁 景陵訓導

馮險 楚雄府經歷

樊本澄 沅陵縣知縣

王時中 秦陽縣知縣

陳安

劉箴

盧慶 西華縣知縣

張昱

天順

劉宗 衛經

孫謙 長寧縣知縣

張旂 山陽縣丞

趙弁 桂陽州吏目

趙宏道

秀山縣訓導

成化

楊茂

馬新成

龍虎衛經歷

鄧茂

龍里衛訓導
陞扶風教諭

康宗誨

徐政

段

舉陝西布政司
檢校

郭仲傑

武昌縣丞

任中遠

銅仁府學訓導

魏寅

福建都司都事

顧益

夏時

江西石城三府教諭

劉仲良

臨潼教諭

蔣勸

見舉人

徐本固

遼王府教授

牟登

禮縣訓導

李璞

海門縣訓導

李璣

弘治

劉秉彝

鄆縣訓導

陳奎

孟有為

何魁

何昊卿

胡守約

見舉人

王範

熊鰲

胡翔

見舉人

陳厚

趙璧

劉襄

董克正

同知

仲金玉

國朝順治

程九鵬 陝西 耀道

伍瓊

康熙

李亨時 拔貢廣東 梧州府知府

張瑞鵬 合江 教諭

王畿

嚴于宗

馮國璽

盧嗣麟

王之佐

李華

何璉 儀隴 訓導

張天植 納溪 訓導

周鼎銓

夏瓊 恩貢 筠連 縣教諭

張瑞麟 見副 榜

黃魁

朱圻

苟金奎

文灼

郭維成

楊正

陳之軾

張懋勗 崇寧 縣教諭

楊為楫 威遠 縣教諭

董映齡

朱光奕

姚天祥 廣安 州訓導

張我存

趙升

趙遐昌 寧番 衛教訓

陳明仲 恩貢

游鳳和 南江 縣訓導

嚴祚昌

蘇自暹

苟企濂

夏日暉

冉之藝

蘇自超

董 傑 覲人

殷 序

雍正

黃 珣 恩貢

董 遵 遂寧縣人 教諭

黃 瑄

周 溶

孫德昌

孫 翰

王振朝 拔貢

何大山 拔貢

文開運

張 忠

傅帝臣

羅醇仁 拔貢見進士

顏仕麟

楊寅春

乾隆

張宏緒 恩貢

林世昌

任 瑄

李 偉 拔貢

石 璠

王 櫟

董 儒

蔣 璠

吳 珏

楊玉琦

趙松齡

朱 衡

袁 藻

高士斌

傅以禮

朱 澍

林世榮

李清選

楊 瑞

劉文美

董儒林

恩貢

王白瑜

拔貢任河南
陝州州判

馮企潼

陶育中

蒲毓衡

刁宏敏

恩貢

吳正治

范永達

苟宗魯

拔貢任叙州府
慶符縣教諭

尹鐘時

陳文哲

陳淳

冷泰

羅懋華

李日歸

丁酉拔貢現任富
順縣教諭

蔣芸

劉燦藜

楊玉璇

陳文煥

張文南

苟揆

楊光瑤

陳光際

楊國禎

恩貢

林生華

恩貢候選州判

康作誥

朱安序

張舒

己酉
拔貢

張瑞麟

合江教諭

陳于禮

林汝翰

李林

鄧全敏

榮縣教諭

謝肇宇

張有榮

羅衡

蔡榮

何榮爵

蔡永慶

梁權智

徐桂芳

以上副榜

熊觀儀

嘉慶辛酉

彭懋琪

嘉慶癸酉

蔡器亨

道光乙酉

陳敬簡

道光丁酉

陳蘊輝

道光己酉

程業修

咸豐辛酉考授吏部京官

李遂根

同治癸酉以上拔貢

劉秦三

沈德一

王茂春

胡作舟

任濬

陳紹良

魏效溫

劉肇新

楊進昂

張宗古

蔡新周

李定晟

以上恩貢

鄭維恪

饒毓芝

耿碧

劉瑞華

任什邡縣訓導

孔傳書

文在蔚

劉閔中

胡光照

賀學闇

楊玉藻

鄢時亮

張恒

歐陽炯

劉鎔

何人和

程茂春

邱德芬

任雲陽縣訓導

劉繕

李恒

詹步雲

魏寅

任營山縣訓導

魏宣

文輝斗

藍元音

孫筠光

張羽儀

官世箴

陶斯善

張鉞

唐國瓏

張效儀

沈德深

孔傳遠

吳學優

張天溥

莫春芳

尹耀璋

高思穎

禹湛

陳在寬

陳敬履

彭更新

陶鳳占

王啟霖

周興朝

楊榮材

徐正誼

黃德正

陳廷瑞

唐鼎銘

甘露

潘一崙

維成章

劉學榜

龍在田

以上歲貢

秦代馨

丁卯優貢

徐朝彥

何鏞

陳廷澤

廩貢歷署營山洪雅灌縣訓導

李融

陳懷珍

歲貢任彭水縣訓導

向徵麟

府學

張清輝

廩貢署華陽縣教諭

楊

旌

廩貢由國子監肄業授教職歷署萬縣奉節縣犍為等縣學

仕進

國朝

張文英

吏員直隸任

金

現安縣典史

王聯晉

陰生山西大同府知府

韓

煦附貢河工州同

韓隆基

陰生刑部廣東司員外郎任山東濟寧道

韓文星

附貢河南鄆城縣典史

劉世儀

監生廣東欽州吏目

劉

源

監生山西懷仁縣典史

韓文燦

監生直隸主簿借補廣昌縣典史

張聖統

監生山西德化縣典史

張朝聘

附貢江蘇松江府知事

張企文

吏員直隸半壁司巡檢

龐大龍

吏員廣東仁化縣典史

刁啟封 監生貴州試用吏目

楊章 由附生選州同

文備 由附生准貢

李世甲 由附生選州同

王佐 由附生准貢

韓熹 監生准貢

劉景仁 由廩生准貢

董漢文 由增生准貢

韓熊 監生准貢

劉景恕 由附生准貢

邱錦榮 監生准貢

羅洪鏞 現任浙江富陽縣丞

郭堅 監生准貢

韓耀南 由廩貢乾隆五十四年回籍候選訓導

刁隆泰 由武生現任江南遊擊

湯化龍 由武生任千總

曾清傅

監生貴州試用同知署鎮遠縣知縣郭之屏 監生廣西補從九品

陳騫

監生雲南試用府經歷陳善培 供事甘肅試用縣知縣

禹輯五

監生貴州都勻縣典史匡九安 吏員陝西康縣知縣

莫東奎

監生廣東試用知縣署龍川縣知縣吳先嘉 供事雲南鎮

禹湑

監生保舉以知縣分發省分歸候補班補用王中相 附貢保舉以巡檢用

黃錫爵

監生由布經歷保舉以知州用石國權 附生保舉以巡檢用

陳善嘉

附生保舉以縣主簿用彭錕 南河補用從九品

王啟疆

附生湖南補用從九品

國子監附

明

鄭道

鄧榮

李岱

張壽

何壽

戴璇

伍森

楊紀

通州知府

程俊

匡宗

雷豫

任岳州府學訓導

周洪

雷亨

王爵

趙昂

任崇安主簿

李 撫

王 斐 在寧州

燕 京 任洱海衛經歷

熊秉中 任蒟廣黃陂縣主簿

姜 全

胡 珏

龐 安 任湘潭縣主簿

趙 寧 任浪穹縣丞

羅 貫 任路正王府視正

張 鵬

劉斗南 任龍泉縣丞

翁太升

張 經 任陽信縣丞

王 藩

明 晉

趙之能

黃元吉 任南京留守衛經歷

塗白政 任汶上縣丞

褚 中

李 繪

徐 元

羅宗珉 任南門縣主簿

何 濤 任雲南趙州同知

姚 鳳

余 魁 任延津縣丞

歐陽皞 任三元縣丞

胡 洪 任南海縣主簿

朱 昂 任思麻府司吏目長官

楊 靜 任岳州府經歷

羅 錦 任武巖州判官

孔鳳攸 任縣丞

冷鳳南

韓 爵 任江西南昌府廣積倉大使

馮永安 任福州千戶所吏目

謝 誠 任肅王府典廩

任中齊 任鐵道醫丞

韓 荆 任雲南按察司經歷

李 潔 任南京中兵馬司副兵馬指揮使

戴

璵 任鎮遠長官司吏目

田

荆 任來陽縣丞

李

俸

楊

璵 任涇陽縣丞

李

鑑 任鎮安府知事

李

僎

董

琦

陶

玉

朱

玘 任樂平縣丞

安

仁 任臺州府知事

朱

賓 任陽干戶所吏目

彭

宜

朱

儒 任清河縣丞

李

瑾 任北京雷寸衛經歷

李

叙

陳

珪 任浙江都司經歷

朱

賢 任雲南布政司檢校

彭

文 任西平縣丞

李

完

李

葦 任朔州衛經歷

陳

拭 任獨州府照磨所廳

武進士

明崇禎

文子愛

癸酉武舉甲戌進士官貴州平越總鎮

國朝康熙

韓良輔

辛未探花由侍衛官至廣西提督

王聯舉

甲子任廣西參將

韓良卿

壬辰由侍衛官至甘肅提督

乾隆

翁大猷

甲辰任廣西鬱林州守備

嘉慶

陳玉堂

乙丑任廣西撫標左營守備

武舉

國朝康熙

何現瑞

壬子

王文彬

辛酉

葉印昌

甲子

韓良輔

庚午解元
見進士

董俊

丙子

喬遷

丙子

胡志虞

己卯

魏于蕃

己卯

趙玉爵

戊子

韓良卿

辛卯見
進士

韓勳

戊子出侍衛官
至貴州提督

乾隆

蔡文彬

甲子

陳大造

己卯

龍洪

癸酉任
千總

蒙奉訓

丙子

陳在輿

辛卯

翁翊清

甲午

王大化

丁酉

左良弼

丁酉

翁大猷

庚子見
進士

陳以龍

庚子

郭干城

癸卯

嘉慶

陳玉堂

甲子見
進士

陳玉清

丙子

道光

周祿

龐鳳鳴

蒙一桂

合州志

卷之十

同治

陳鍾英


丁卯

光緒

粟飛熊

乙亥

恩科



原件短缺

補者守士之責也無藉猶興者豪士之志也合陽古
形勝固自漢唐以迄有明人物勲名稱極盛焉崑著
者理學則有羅志冲之易解張宗範之養心廣山陽
之性善堂集政聲則有羅九鼎之辦寃文少江之執
法李誠軒之治平第一直節則有馮衡之強項鄒立
齋之抗疏李虛菴之回鑾他若李文素桂振之王俊
民董盡倫暨費廣李陽冰諸前哲或以忠孝著或以
文章顯豈別有所培植而毓其秀歟抑由平日之克
自樹立歟夫有志者事竟成氣數不能主盛衰之運
道子云天時不如地利地利不如人和此其意可徵

會也州人士發奮自強爭相磨勵處則爲善士出則
爲名臣行見媲美前徽追踪先哲聲施赫奕科第聯
綿一如文峰之貫雲霄依日月彼形家之說或與有
助焉而未可盡諉諸氣數也人傑則地益靈而天亦
因材而薦而栽培無已焉此則予之厚望也夫

增修文峰塔及合宗書院小引

州牧延李宗沆

余自蒞茲土兩舉賓興甲午鄉闈登賢書者二人
未秋捷音不至殊覺失望間於案牘之餘檢閱邑乘
有明三百年間州人士捷南宮者凡四人不特
內而鄉貳外而方伯指不勝屈而鄒忠介公實爲一
代偉人今何科第寥寥若是豈山川靈秀之氣有時
而歇耶抑人才尚待培養耶且近年來或公車屢上
竟無蓉鏡之占或蕊榜未登轉有玉樓之召至於青
衿之內亦多黃土之歸既非讖兆龍蛇胡皆賦同鸞
鳥嗟惋徒切補救無從適三學有加增文峰塔之請

命州志 卷之十一
余雖未習形家言然因公往來於州治龍勢之朝拱
護衛亦自留心見巽方所建之塔頗欠聳拔似於唐
人塔勢如湧出之句不甚相肖抑以連年公事叢興
未暇及此今既羣議加增誠所謂先得我心者矣矣
鈐印簿勉衆勸捐共勦盛舉俟塔合尖之後所賸木
材即可補修書院是又一舉而兩善焉况合邑土地
沃饒人敦善行而此次所需較前各項未過及十之
二三正自爲力尤易文風既培文運必振符見科第
蟬聯英杰鵲起諸君子既獲積善之報余亦稍分培
養之名刻曰觀成所厚望焉

加增文峰塔碑序

丁酉科重晏鹿鳴郡人傅恩任臨溪時年九十有四

從來舉事必權其輕重而緩急因之其以緩圖者大
都無甚切要也至於勢不可緩而竟遲之又以幾款
託諸空言則莫若吾邑加增文峰塔一議余解組歸
來近二十載凡向余縷陳此塔原委蓋指不勝屈矣
曩者嘉慶甲子暨丁卯戊辰三舉鄉闈吾邑無一人
得與焉斯亦里閭之辱也適有州牧董樸園先生精
形家言故于州治南岸建塔以培地脈甫落成劉君
觀翰即登賢書乃未幾而歿談者遂以爲塔之丈尺
未符董公原法彼時即有加增之議既因循未果迄

丙戌科羅君天衡捷南宮殿試復停科至乙未年會試則彭君定仁既得復失秋闈並無一人入彀不特此也鄧祖慶有志觀光委骨都門蔡器亨將赴公車壯年摧折文運何其厄耶是不得不於此塔款其增修而屑累日上也茲逢

靄山賢州牧勸捐興工於前

夢圃賢州牧鼎力告竣于後至若同學諸君辦理一切事件無不妥協周詳始於丙申仲夏成于丁酉季春較之曩昔轉覺頓改其觀矣余因年邁未能親歷其事爰命子春華附驥贊襄幸觀厥成行見高標雲

漢定卜大振科名鼎甲聯翩遠期生輝翰苑今將試
日以俟之故樂得而爲之序

合州志卷之二十一

藝文志

文獻足則能徵人物選舉為獻詳矣文可略乎
蜀地岷峨毓秀江漢炳靈揚馬陳蕪代多聞出
明楊用修撰藝文七十卷搜羅美富洵大觀哉
我

國家文教覃敷合陽雖屬偏壤均之沐浴

盛世凡游宦于斯士著于斯者名哲往往有紀其
著述或維持綱常或紀述前軌或流連景物文
以足志謹蒼萃而存之庶幾可備輶軒之採云

志藝文第十二

記

宋

重修威烈侯廟記

朱炎

謹按祭法曰夫聖王之制祭也法施于民則祭之以
死勤事則祀之以勞定國則禮之至於能禦大菑能
捍大患率紀祀典以參元功斯所以教民本仁義而
鬼神也天子建藩服而分國寄擇端士而爲民牧非
止美土疆職教化而已亦將俾徇居民之欲王守土
之祀焉職方員外郎王公之刺是郡也惠以及下明

俞察徵孜孜焉以濟物利俗興廢起墜爲念是郡境
水旱不時公志在恤民勤於禱請州城之西隅有壁
山威烈侯廟經圖云唐趙延之之祠也大歷中任巴
川縣令兼南鎮軍兵馬使時資瀘夷賊寇掠縣境延
之領兵襲之以功授合州刺史兼渝合資瀘等州經
畧巡撫使嘗巡歷至渝州壁山寨見石壁上隱隱若
有人形因以香酒奠之後疾終于此邑人爲之立廟
焉禱有靈應至咸通二年夷賊攻逼州城告神爲援
賊衆奔敗人見甲兵洶湧爭往馳逐蓋神之陰助也
本所聞奏勅封威烈侯自時厥後邑民信而奉之或

水旱作沴扎瘥金與豆觴以薦之簫鼓以樂之冥心請禱其應如答公既戾止考是祠制曰神之福于茲民也多矣何祠之隘陋廟貌弗完之若是且小人之室猶道於燥濕曷明靈所館弗蔽於風雨哉將命舉而新之有帝卒白膺趙昉等列狀於官願以衆力葺之公可其請舉意率從群材四至工役齊作自堂廚廊廡門樓階級一更舊制凡厥神像並加粉繪季冬月績用告畢厥構宏敞足爲祈福之地烏虜若神者生而惠及於人死享廟食德之盛也能助陰兵以夷凶寇忠之效也祈禱必應協于至誠信之昭也宜其

受烈侯之封爵爲邑民之贍奉亦不誣矣炎從事於此解秩在期王公以其成績俾炎爲記因據其事實引爲根據非筆飾耳時慶歷三年十二月朔日宣德郎試秘書省校書郎前權軍事推官朱炎記

北巖定林禪院藏經殿記

朱處約

佛書惣五千四十八卷其大胡折三乘有次矣自前五代而下繇學其教者抵西域取貝葉行梵之書至中國譯而爲經歷代官爲置局叅以文士爲之潤色故近世函而演之始有藏號至唐尤得時君信重以宰臣兼潤文使于今相誦不易其體宏大致此太宗

真觀時有陳奘法師者親就佛都廣求異本在西域
十餘年經百餘國悉曉其土著風俗之語史官或取
以志於異聞是時梵本經已有六百五十七部詔當
世文學之士翻而修之房杜而下皆預其選其教汙
漫博誕至此始有定據其後通律學者又能講其書
率以奘爲宗至今天下名山劇寺必有大藏經奉爲
備觀秩字之宗費常數百萬營其事者用力雖身而
勤不解卒能成就以果其願合州北崖定林院僧曰
緣正者與其門弟從正思自康定辛巳迄皇祐壬辰
歛衆金伐大木於所居之宮構殿極壯麗之妙以用

貯所謂大藏經者會石照縣民陳氏者獨入緝以構
其本無慮五百幾函黃卷朱軸奩幕甚謹籤列部次
自有題別使學其法者日觀月誦如彼法之說求爲
之益吾不得而知之矣但專其所習有道可尚僕見
今之業儒者徒能毀譽釋氏至其先師聖人經典之
書惣數千卷因模本於學人能貨者止補楮墨之貲
官爲給之而能蓄其書於私家者有幾焉又豈得如
學釋之徒旣崇其法復嚴其藏用它貨而爲已貲斯
亦知其所本之大者也會寺僧慈廣者狀緣正之能
求爲之記僕欣然爲載繕葺之起弁題其榜而與之

覽之者謂我有所警勸善事可也皇祐四年八月十五日承奉郎太常博士通州瀘州軍州兼管內外農事借非朱處約記

合州廳壁記

劉公儀

壁記非古蓋出於近世其載名氏誌善惡亦春秋之旨也夫郡政在上而下民議焉弗可遏已必曰某守廉平公正某守惠和仁恤昔受其賜多矣某守殘忍慘礪某守貪墨割剝昔被其忠深矣雖歲祀寢久父詔子兄詔弟而未嘗弭忘噫民之無知其可欺耶是壁記不可闕也尚矣昔元道州嘗病自作記者則媚

已爲人作者則媚人故今之所記第志其名位遷次而已若州之廢置備于圖牒政之能否在乎民言此皆畧而不書謹斷自聖宋乾德三年由翟作坊而下得三十三人列之於左餘俟來者嗣而筆之皇祐五年七月初吉郡進士劉公儀記

漢初學記

張唐英

仁宗皇帝慶歷中嘗以三代之盛百工庶尹皆有經常法度之教以揉治民竒邪之性使趨于粹美此由其道素行於庠序而後施于朝廷故推有本源而無末流之弊於是詔建學於天下以覲濁治之汙而使

之潔清鏟道之馭而使之醇一當是之時老輩晚生相與勉慕不荒不嬉漸捐去僻麗之習而薰灼乎彬郁之文未踰年獻議者以爲法令之明戎武之厲史事之幹此足以知天下彼詩書禮樂但外爲藻繪非理世急務於是弦誦之聲復寂寥而無聞是不知三者雖於治不可闕然不可顯用以治天下儻顛而行之則堯舜之仁不及商鞅之法禹湯之教不及孫武之術用孔子之道不及李斯之智是用刀鋸戈矛簿書期會以待天下之士此豈享國久遠之謀哉蓋虎視之君拔本障原任已速亡之術也爲郡縣者誠能興之於已廢之後此豈不謂之適要哉合州漢初舊學舍有破屋數間以爲孔子廟地勢卑下歲嘗有江水漲浸之患治平二年冬進士馮元崇率邑之儒衣冠者各辦材甃工役之費易福源僧院之隙地重建孔子殿及創學齋四十間以爲師生肄業之所縣令王周卿實董其事縣尉冉和以俸給二十萬爲彩繪之用君子謂是役也既得勸學尊道之要交合仁宗慶歷詔書之意學者誠能日於其中講究六經之旨以及於九流百工而求其治心正身化民成俗之道予將見漢初之俗齊魯如也豈徒侈土木之工以

市好事之名哉治平二年十月朔文林郎守秘書丞
監閬州商稅院市買稅鹽場張唐英記

單公新隄記

趙 勰

合州沈二江之口衆水之湊也涪水自西北領馳水
沈水屏水靈江射江大彌諸水東南迤會于漢水漢
水自東北領巴水閬水渝水嘉陵宕渠諸水西南匯
入於涪水每夏霖雨涉旬不霽衆水漲而二江漲奔
濤駭浪湍激盛怒交戰于城之東南隅悍如穀洛之
鬪洶如淮沔之爭小則激齧城基大或漫毀女垣生
聚帖危鱧鱧然常恐有齧桑之浮也歲仍一歲水復

濟水壞官寺損官舍病纏一郡久而未瘳州將圯不
留神備而去之亦苟簡之失也光祿卿單公治合之
明年政既成歲亦豐於是命僚屬步江塽按視地勢
謀建大防斜遏江流使越金沙磧薄東岸以徑去緩
水維而殺水怒庶幾遊波不復能汨墊吾城也然以
功役用度之亦不敢輒造乃剡奏於朝廷天子尋
可其請衆議然尙以爲有損而無益公曰謀之雖
多決之於獨耳田以孟勞之毋斷群疑之網竊竊之
言烏足聽耶五以符諭五邑吏民莫不響應樂輸竹
木願助餼糧錫其費沛然有餘僉判殿丞急疾爲

心勇於立事應一能吏以董其役工匠不壯願指如意健爲落積石竇之架梁榑柱交午貫之市物息壤金椎隱之程其人功功冬時辦以佚道使民民皆忘倦相杵而謳及晡而休仲冬而始建春而巳凡六十日而隄成其高六丈廣六丈而殺其上袤七十丈無慮用工一十五萬云啖叻曰春秋之法凡興作必書之重民力也蓋失時則垂爲戒得時則勸爲法况我此役乘農之隙計日告成一可書也春秋之法人臣無遂事故鄭公築梓潼新江之隄以不先白而奪俸况我此役得君命而後舉二可書也官吏心勵民庶

力助不耗公帑一毫而事集三可書也一時之勞而萬世之逸四可書也據堅地作石隄勢必完安合於賈氏之築五可書也且有因而成易無因而成難倘使歲久而圯欲繼修者亦省功過半如王景葺孫叔敖芍陂杜詩杜預繕召臣隄闕功易成而利及民六可書也萃衆美而成一隄烏知不與召伯埭甘棠港共傳於無窮也歟治平四年閏三月十有五日記

修建合州學宮碑記

劉象功

周衰道喪不絕者熄禽賊獸搏日以窮敝天惡其亂遂生夫子以救先王之道鑿蹟破盲雷奮蟄啟天下

以醒當是時周室不王諸國不侯河吞海潰震蕩寥廓
廓霸者迭興唯力之角而皇帝玉之道湮塞蕪沒孰
爲道德仁義禮樂忠信教化政刑者聯故皇皇汲汲
明其所謂君君臣臣父父子子兄兄弟弟夫夫婦婦
之道以教天下尊卑釋然乃知其忠孝慈順悌悌輯
睦之義後世治身治家治國治天下者莫不由是而
出也斯所謂夫子之道古之人宍處茹毛饑瘠以死
神農黃帝粒食宮室以教之洪水旣昏魚化而鱉溺
舜禹平治以生之海內黷兵君親失序夫子禮義以
化之是與數君德均而力齊道同而義合故歷代尊

奉自京師達於州縣皆有廟貌祀以王禮顏魯思孟
皆有封爵七十子皆繪象而從祀苟况楊雄王通韓
愈實傳聖人之道皆不遺焉朝廷之禮備矣後之學
聖人者不然蘧廬而進代不絕人及其刺一州令一
縣則春秋祭獻之禮雖存而尊奉之意殊闕甚者至
於墻屋頽圯黍牧媠媠之不禁徒能嚴服莊重過門
而弗顧噫蹈道服儒而叛其本於教若何先儒所謂
食母令腴者是人哉信不若黃老浮屠輩學不忘其
本建治塔廟金碧駭目朝夕禮敬事之如生雖窮山
僻野皆其黨人不知其幾千萬數而吾夫子之門無

其一二觀之愧端有如合之向學樂善識其本源在景祐中郡將徐公建學於大江之南夏秋漲溢水在山杪高波凌虛覆舟溺人學者退而無歸以是病者五十年於茲矣夫衆志未判則必有智謀事當改作則必有開論石照令楊君廷傑心術素高境土稱治當餘暇日與衆決之議者脫灑得地爽闔於治之西南隅於是度材於果園二州桴江而至皆無取於舊學置之而已乃相地廣袤堤水塹荒以門以垣殿於正陽爲夫子像四公十哲居其左右其壁內外以繪諸子

映書軒記

何麟

合陽治舍西北隅大葛二本皆十圍許臨崖而生樛枝密集上薄天漢游龍飛雲騫舞橫翔羽蓋旂旛扶搖歲繼天下之奇觀也其下方畝可以游息予卽其處小䟽附之剔糞壤闢藩籬爲屋兩楹以爲讀書之所焉朝曦蒼涼晨吹參差夜色澄穆而月星隱見吾未始不映窓而坐也胡牀烏几左右設張黃卷赤幘紛披卷舒退食自公優哉游哉廊廟之尊不與易也
是室也主讀書而爲之故名以映書軒云紹興九年五月望日金華隱居何麟子應記

北巖轉輪藏記

何麒

距合陽城五百弓地有大支提號濮巖寺氣象崇嶮
 林莽雄蔚飛樓傑殿橫跨空廊天人所家神龍所窟
 宜有大多寶藏晃耀翁赫摩天對日乃繇函畫皮弗
 金弗碧像法墮摧來者歎息桑門了肅哀乞金帛心
 造目畫上營下甃中撐外闢天宮地網森羅匝匝頻
 伽金翅伸頸奮翼攫綱援簪之而爪目魚龍拏結海
 神呀呻如役鬼神天置地設不日而畢見者辟易歲
 在上章潏灘五月初吉守臣何麒率州文武捐金轉
 轂祝聖人壽祈生民福百比丘衆聲轉輪佛仰環天
 蓋俯軋地軸雷霆碎碕金石戛擊既靜既寂如海如
 嶽萬人贊歎希有功德麒麟稽首作記而說偈言乾幹
 坤旋扶景運雷動風馳法天令吾君萬年執其柄永
 在璿璣齊七政

州知監樂堂記

趙遼

安岳馮侯領合陽州事之明年剔除蠹荒政化大洽
 民既安豫乃敢閒暇行穉廢圖弔癸酉漲江之遺迹
 舊有監樂堂館晏賓客皆於斯水至毀矣侯方念之
 會尺有爭三巨栢不決者願以獻于官侯曰是欲成
 吾堂耶明日命工度舊材稍增益之用力勿亟人不

知夜時達被詔詣行在所買舟於合而東堂方經始也侯即召達曰故題是仍且君侯不聞春臺之說乎累土而崇之樹之芳菲四時推遷彼有變于外也而人心移今夫列戟而居闕道而出孰曰此非吾使君也耶然人不見其爲春也則望其羽旄之美聞其鐘鼓管籥之音而愀然乎其中今予入侯之境入語藉藉相望侯爲父老長守此土也君侯何以得此哉且非獨是也顧余之在涪土也侯之佳聲與蜀漢之舟且沂而上今順流千里歷三巴抵固陵盡蜀封疆所至見小令及王君子聖與馮侯或自以爲不如馮侯侯之佳聲又與荆楚之舟且沿而下非侯有德於是乎而其人頌侯之不已也別一水櫓聲皆足以寫人之愧心而堂何以居侯名擢字茂恭紹興二十四年十月晦日資中趙達記

清華樓記

晁公武

魏大統初於巴蜀要津置合州其山曰龍多曰銅梁上接岷峨下繞夔越或斷或續屬海而止所謂南戒者也予雅聞合州於城下貫江沱通漢沔控引夔川偕入於海所謂南紀者也予雅聞其山水之美既承守之意謂必有瓌偉絕特之觀暇日經行後闡周旋

四顧弗稱所期既旬歲一旦登麗譙南向而望始大
愛之遂謀築層樓以覽其形勝工未訖而引去晉慈
景公夔實繼之尤愛其趣乃增人規模愈益閎麗賅
書求名與記予謝不能而堅請不置因取古人秀句
以清華名之且爲之言曰今茲樓高出雉堞之上挾
光景臨雲氣倚檻縱觀仰則兩山錯出林巒蔽虧於
其前俯則一水交流島嶼映帶於其外當霜氣浴鮮
淺瀨清激及夫雨潦時至狂瀾怒奔而迅帆輕檝當
出沒濤瀧蕩滴之間當風日駘蕩花明草薰及夫林
葉變衰呈露巖岫而猿鳥騰倚每隱見於叢薄晻霏

之際其水木之變態異容益如此雖文章在兩巖樓
固嘗極思摸寫而莫得其梗槩焉亦時謂瓊儂絕特
矣傳曰登高望遠使人心悴然是以王仲宣顧瞻荆
山而懷土不以窮達異其情范文正公臨瞰洞庭而
憂世不以進退易其志雖若不同其有槩於中則一
也何當與公杖屨挈壺觴共飲其上耳目感觸亦必
有槩於中酣而歌歌長而慨懔醉而舞舞數而凌亂
徜徉徙倚而不顧日之久也然公夙以治最聞於時
將大據其蘊以致君利民而予斥廢以來無田廬可
歸族思彌惡文正之志公蓋有焉仲宣之情者則未

能忘也紹興二十八年七月辛巳昭德晁公武記

合州廳壁後記

晁公武

刺史廳壁記始於唐而顧况元結之文最著按况湖州所記才百餘人而名德如謝安石顏清臣之徒傑然表見於史籍者凡數十公故其地冠簪之盛常敵天下三分之一結道州所記有徐李二公而已訪之耆舊餘多貪猥昏弱以衣食之故侵冤細民故其地并邑近墟主名殆盡君子謂顧之善善元之非非於是乎得春秋之旨矣然則壁記者其可廢哉予日者代置於此顧此邦缺守者歷七年事多不理少聞求其壁記得其刻石列乾德以來翟美以次名氏其後雖有續書則往往失其官闕歲月命搜於故牘補焉而闕其疑遂取陳昂至王輔三十二人別刊之兩石所記通七十有七考之圖書其賢固不及湖州之盛而父老所言其惡有甚于道者嗚呼一州雖狹而綿地千里人物盛衰戶口增耗皆繫於刺史詎可忽乎哉今也秩滿引去使民無得而稱則已可媿况復蒙被惡聲顏其厚矣乃題其前以自警且爲將來之監云

重建雄威廟記

黃 鐸

合陽州城之西有漢車騎將軍司隸校尉西鄉亭侯張公廟不記興創之歲月或云自晉始規模簡古棟宇儉素其所從來遠矣紹興改元樞相張公禦寇保蜀陰陽神助承制去安國公舊稱進封忠顯王祀典既崇事體益重樞治滄江數罹大水神靈所宅亦委巨浸廟祝喻明照懼無以禱乃謀改作累土爲基增崇四尺上建大殿廟貌從新庖厨有屋進拜有廡費緡錢百千自竭其力凡率于人者十之七既成陸車水舟遠郊近市群目改觀奔走祠下牲酒致告形神愈肅鐸所居密邇閭往觀見龍龕片石廡下問之謂

記是蓋心許之明熈繼以請按蜀志建安十九年王領巴西太守越明年魏將張郃乘勝深入王禦之於宕渠瓦口之間郃遂奔北有功於巴人甚大於是時壤地相錯生聚保持均拜大賜又按趙雲傳方先主攻劉璋王與諸葛丞相泝江西上分定郡縣至江州分遣雲從外水上江陽而王與先主會于成都江州古渝州也江陽今瀘州也吾鄉據內水之衝蓋昔日元戎經行之地斯民事神厥有夙敬宜其祠宇愈久而愈新也殿之重建以乾道癸巳二月十四日後二十年鐸始爲之記廟額舊號叶聖朝廷改賜曰雜

威併以告明照使使焉王名飛字翌德涿州范陽魏人紹興癸丑中秋日魏人黃鐸記

重修晉澤廟記

黃鐸

晉澤廟在州城之西唐威烈侯合州刺史兼渝合資瀘等州經畧巡撫使趙侯之祠今封威濟顯佑按軍事推官朱炎舊記廟創于唐至本朝慶歷三年太守職方員外郎王君昌符從邦人之請始增大之洎紹興之初幾及百年棟宇頽剝丹青晦昧廟吏喻俊文與之初幾及百年棟宇頽剝丹青晦昧廟吏喻俊文竊議以爲侯之威靈橫被千餘里間祀典尊崇若遠若近奔走奉祀無或少懈人至不敢斥稱舉指相宗

則惶惑變色其敬畏之如此况吾州乃侯爲令爲守建功之地斯人嚴奉殊絕懇至今居處不足以爲靈責其可辭耶迺一意勸導鄉之有力者庀材鳩工肇自乙卯歲爲寢廟又四年己未跨門爲樓爲左右兩廡爲兩官廳弊者新之傾者扶之巖巖翼翼而廟之體復具中更癸酉涪江之決州遭巨浸益撤正廟而高廣之興修于丙子之歲越明年落成廟貌遂巖繪事從新蓋自紹興乙卯實始增修而斷手於丁丑凡二十有三年乃克就緒亦艱乎爲力哉俊文死既久其子起一日謂鐸曰吾鄉事神蓋飲食必祀而廟之

興建則未有知之者重修之歲月舊未有記自是以成重罹水厄一再增葺起亦力焉蓋爲我書之嗚呼是固鐸所嘗欲論究而未詳者也圖經載大歷中侯爲巴川令資瀘夷寇掠縣境侯領兵襲之以功授合州刺史不云某甲子史載大歷十四年異牟尋與吐蕃合衆二十萬人寇一移茂州一移文一侵黎雅不云有夷出資瀘欲考其詳而不可得聞闡長者言州之瑞應山佛祠有鐘在焉侯之所爲也亟往辨其款識則侯爲將仕郎守合州巴川縣令兼南界兵馬使嘗紫金魚袋贈大歷十三年歲戊午七月十二日也

因釋然而悟曰信矣十三年之秋侯方在邑財十四年禦寇成功無疑當是時南詔之患烈矣異牟尋嘯其醜類三道爲寇天子至爲之發禁衛及幽州軍以援東川夷人乘間竊發深入以撼內郡之邑非侯之忠義勇畧過其奔突心腹之患可勝諱耶侯旣有功於是邦沒而廟食於此日增月葺祠宇與威德同盛亦其理宜也旣以語起俾刻石廟中爲記因摹鐵簡作爲迎享送神詩繫之於末其辭曰旌芳慶兮湛清醑吟參差兮坎擊鼓雲旗兮遠虵搖翠旂兮睿與巴由立立兮玉樹青葱侯之來兮瞬可通靈連蜷兮發峩

既晏嫫兮朱宮侯睠此方兮既降既享撫靈輿兮顧
而欲上願侯兮留止副我民兮瞻望護回祿以越境
兮使江水其無波下田宜稻兮原有嘉禾約束兮不
祥降福兮孔多精爽兮不逮雲施兮海至椒漿兮丹
荔欲報兮無有窮已

龍多山鷲臺院記

狀元馮時行巴縣

余少讀唐孫贇方龍多山錄思至其處登降巖巘爲
徜徉浩蕩之游紹興己卯行年五十九被命守滬黎
道由茲山始獲一至所謂龍多山者於時大雨滄滑
攀援進退一僵一起上不五里始曉而登過嶺乃至

雲露晦黑跬步莫覩私自念少而聞老而游昧無所
見中心慊然若有負於茲山已而嵐昏鮮剌四野開
霽廓然千里盡入指顧縉雲清居雲頂醮壇若可攀
挽搗衣杖屨擁以僕夫下鷲臺過至道觀憩佛惠寺
又循巖至靈山寺從容徙倚意滿神愜復還鷲臺俄
頃晦冥雨復大霑吁時行迂愚闇闇不可於世豈此
山神靈與人異好而尙或聽之哉山負一道宮三佛
刹而鷲臺爲之冠一峯特起草木華潤寺僧道真立
志精堅誓畢此生有所建立誠不可掩小大同心掃
去敗朽幻出金碧佛殿僧堂法堂方丈山門厠庫凡

寺所當有無不備其最後轉輪大藏瑰傑壯麗藏奉釋迦文佛與其徒所爲書至五千四十八卷前已卯二十三年經始後三年落成于是龍多之鷲臺鬱爲精麗矣道真欲此延有道尊宿以居之退處靈山此又非尋常流俗之見靈山歲久頽弊獨一僧年七十餘老且病不能出其門戶而異時閣架飛簷下瞰絕壑最爲游觀之勝孫職方之文與古今詩什皆刻巖下道真果退居於此豈惟鷲臺一新靈山之景當還舊觀由佛惠寺循巖種竹柏開徑縈紆以達靈山幽深之趣宜十倍於前日道真識之紹興三十二年十月

一月日縉雲馮時行記

龍多山至道觀記

趙林

嘗過涪江而東遙望見數峯突兀聯亘巒嶺而下若將飲於江者龍多諸山也循而上至山之麓見其巔巖一石如灑瀕如孤山介然特立而尺寸寸土傳其膚乃亭亭見一栢殆三十許圍如車蓋如羽葆蔽乎其上面者龍多之勝也余爲邑簿過江見之心目爲明邑小而賦薄職以簡日携酒與書遊山中爲僧廬者十之九獨巔巖之石巨柏蔽乎其上者爲老子之宮屋數椽一道士小冠而蓬髮弊衣而菜色顛倒手板以

揖余入歎老氏出中國與吾儒相馳逐同言道德仁義其見識特小小不同不至如佛出西域異國最晚入中土其言最背戾於聖人然其徒占據江山盡割膏腴形勝之地又所建置輒豪華人爭以金帛棄予之視老氏清淨少思寡欲者遼絕非但龍多然也然亦其徒不自植立方嗤鄙之至其生則青衣藍縷男女老穉數百輩挽木運甕雜作其間道士麾以揖余曰此貧道妻也子也此晉馮蓋羅所隱居永嘉中盡室僊去見之道藏列仙傳攷不誣自唐爲至道歲久墓地貧道赤手上山終年以居方將

之已鏡而累之架空而閣之凭高而梯之一倏仙居甲茲山而軋釋氏之廬道不足以動人而施者寡寡不足以贍衆而役者希不過與妻孥雜作耳余日怪且笑不復詰一日旱甚余攝邑命道士禱焉期之日若禱而雨當助汝始夜月如晝道士以其法噴水布氣拜跪伏地汗洽背俄頃風從西北來吹雲滿空夜分雨沛然下連日雨秋遂大稔余以萬錢予之施者雲集未幾余以罪去逮今十年三得道士書頗誇其所曰傑閣空飛峻梯雲躡事帝有殿儲真有祠栖息有室給養有庖用錢一十鉅萬粟五萬三百三十四



鈞木二萬材竹三萬七千筒石二萬株積三十萬二千工累五千四十日未敢遂以爲甲也貧道憊矣官每水旱必禱禱輒應部使者遂以其事聞蓋羅封真人號冲妙鄉所見青衣今皆爲道士其徒四五人亦豈偶然哉幸無忌望電之日爲之記且道家者流其原出於易其修煉之術醮祭之法皆本之五行取諸八卦尊陽而卑陰得易所謂成變化而行鬼神之道粗而不精高者已能飛昇騰躍出於形骸之外下者爲人禱祠祭祀而能有感召致雲雨使學道其妙則道家者流潛天地贊化育與伏羲神農黃帝堯舜氏

等矣今道士又區區以土木與西域異國之教爭勝其於形器之末惜夫雖然精神之所專志氣之所一能幻空爲實化無爲有視世之道士好貨財私妻子者不又賢乎因爲之書道士李姓名道備妻子益未出家爲道士時有也淳熙己亥中秋日降授承務郎利州東路安撫使司主管機宜文字成都趙楸記

赤水縣修學記

趙楸

庠序教化本之在今期會紛紜中金重於羽之譬也豈俗吏所能權衡哉合爲郡數被水旱調度最急迫跨蓋韓公守之於凋弊之後賦斂簿書獄訟凡守所

以爲治者下車皆未及省首訪諸學得治之綱禮行而民敬義尙而民服令信而民用情於是若挈裘領而頓之莫不順治赤水在合五邑中民甚良士甚愿而田瘠而民甚貧比吏侮其良狎其愿欺其器於訟而強取競焉遂以病告幾赤立矣續公至撫而摩之公意乎其有瘳楸於是歎曰庶繼公富富嗣以教聖仁民之次第也今吾邑賴公生息之政驥驥乎富庶不可使教化之本不並行焉乃亟請于公以爲邑故有學从荒不理前後束以通衢介然用之成路囂爲塵土之區士倦蓬焉天河之潤尙能九里泥泮之漫在境內哉邑有籍於官之木二百章有奇請以一一新其陋公欣然畀之楸寔親董其役建高堂以寧往來之衝北望龍多諸峯若屏若翼有飛騰夭矯於半空之勢聯翩以屬乎堂開室西嚮校試者直焉堂之南飾兩廡爲齋鑿池疏渠引水其間左傍曰采芹右傍曰采藻使士游息其中者知爲之流漸也學舊有四齋制度卑陋不足以容多士闢而新之今增三焉突故不黔士不素養也今創爲之庖寢食非學所求安者而菁莪之育云爾殿止一級堂陞不峻門無外闔牆仞不肅廼築階而副之植濩門以外屏其制

邃深有不得其門而入之嚴學左右環溪瀨溪築垣
秋潦至衝決隄岸則牆敗歲苦之廼鑿石以浚溪基
岸以厚牆似不爲溝澮之驟盈涸也開路以左旋合
於一塗溪光竹陰繚繞而下學遂不僻左亦不喧囂
而邑氣象隨以雄古士始見規模相與太息協贊之
捐竹以箇計者二千有奇備役以工計者三千有奇
糧以石計者百錢以千計者五倍其糧之數經始於
六月癸巳落成於七月癸酉凡四十日而明窓斐然
森然而備匠役不出於民之力者世無是也移左而
爲右以私而易公是得爲非民力乎然靈臺之與驪
山不可同日語也斯役也楹竊以爲無媿乎古雖然
公之所以惠顧學者豈特急世之所緩以求賢於期
會之俗吏爲名哉誠知國之興衰由人材人材之邪
正自學術學術之是非係乎教育也使士遊於斯而
不志於學志於學而切切科目之文不自得資深居
安逢原以深造乎道出而以正心誠意治天下國家
則士爲負公之教而楹亦預有罪焉士相與戒曰唯
請以是記之

濂溪先生祠堂記

何預

合有簽書舊矣與比歲創於他郡特異淳熙七年冬

合州志 卷之十一
預始承乏公餘訪古覽觀江山之勝瞻漢陽遺像誦
少陵江樓詩句求其故實則不可得矣於是摩挲題
名石刻考前人名氏有殿中丞周其姓惇實其名者
髣髴埃塵間嗚呼此濂溪茂叔先生也胡爲乎來哉
按太常博士朱處約記其始至也以嘉祐改元年十
一月初十日迨其去實五年六月初九日本末詳且
信如此獨未有表出之者又得閩中恭敏蒲公墓碣
銘知行治加詳先生春陵人後避厚陵邸諱更名惇
願其爲政於此州也一罷之事不經君手吏不敢決
苟下之民不肯從恭敏舟艤溉下一見異之退而嘆

曰世有斯人與遂以女弟妻之初調南安獄緣轉運
使以權利變具獄君爭不可投告身欲去使者執手
聽之熙寧初用正獻呂公薦擢廣東路轉運判官數
提點刑獄晚以疾付分司築室廬山下有濂溪其旁
號濂溪惟先生以一誠極性理之妙躬行日用粹然
一出於正爲道學之宗程太常劄碎南安視其氣貌
非常人與語果知道者因與爲友後立朝每遷授輒
一薦之其學明道伊川幼愛業焉先生令尋仲尼顏
子樂處所樂何事明道遂棄科舉從之嘗曰吾見
周茂叔吟風弄月而歸幾與浴沂同意一一程以新文

倡諸儒至今河南之傳滿海內其淵源實遠篤於此
清獻趙公目爲天下士友忠蘇公以全德名之黃太
史謂八品其高胸中曠落如光風霽月雖正坳壑有
通書太極圖說行於世悠然遐想如在其上預謁來
踵英躅於百有二十五年後顧在後死其得嘿不以
傳解東偏有齋孤峯出其前三江合流其下烟波渺
瀰雲林杳靄清絕可愛乃傲禮殿故事耶其章服肖
像壁間以全德榜其顏道德之容堂堂岌岌凜乎如
奉杖屨其側也吁先生之道如青天白日不得書而
傳之以志晚學歸敬之意且以永邦人鑑窮之思又
繫之以辭曰瑞應之山兮蒼蒼金沙之水兮茫茫凜
高風兮不亡日月兮爭光宵一夫兮何之四方上下
兮莫予追孔顏與歸兮伊傳自視揮斥八極兮孰知
所止駟玉虬兮佩飛霞溘疾風兮天一漉懷舊遊兮
眷眷山空月明杖屨往來兮余顧不可得而見莽烟
雲兮思渺然睟厥容兮瞻在前邦人是思兮千萬年
淳熙癸卯正月朔承議郎宜就差簽書合州軍事判
官廳公事唐安何預記

重修單公隄記

任逢

古者州牧刺史必求斯民利病而罷行之日夜以思

思之審則爲之也勇若徒弊精疲神于簿書期會之間抑末矣余至郡之三日延見吏民仰視屋梁水舊痕倍尋蓋不特半扉而几席未暖之明日臨流修可以人虛好生之德不可以不推廣生齒阜繁不可以坐視九重萬里位卑職下又未易叫號直叩則急以馳告大制閩安公公勲名昭冠一世前此哀兇蜀六十州至今咸有仰攸俯子之安尙汲汲民事首捐緡錢風厲諸臺來助因周視江上考厥興廢之由治平四年單隄初成吾州程公之才令石照實與斯役之才卽不媚時宰之意能與東坡相歡如初者其風節可以想見也紹興十四年楊侯師錫增修近亦得其記載年月於泥沙埋沒之中自治平至紹興紹興至今凡一百四十餘年甫再修築宜其廢壞罅隙狐兔窟穴蘄滯怒濤乘其激之暴漲不測之爲民病也楊亦眉人於是邦人合辭以爲凡三興築皆吾州之仕於此者爲之興廢豈偶然哉遂隔江伐石平正方直其長於尺以數計者萬五千六百有奇土運杵築以人力計者七萬九千八百有奇增卑爲崇培下爲高象墀落成犬牙相制巍然增級而又隄身縵凹半空虹貫延袤七十丈有奇始事于冬之十月竣事于次

春之三月工徒廩食悉視私役分命同官日勸旬勞至有不由率而欣然以酒餼來餉者不奪農時雖勞不怨禳水故事命黃冠奉香火箋天惟謹佗郡之不講行者茲始創見又明日是鷺行抱案面前鳩集津渡操舟之人曰某舟載庫某舟載寮屬至內而浮家泛宅外而兵仗之屬亦各預籍定名姓俾水至畢會惴惴動色余曰吁此特事之常者也有其變者而觀之一旦暴漲彼稍稽于從令則瞬息俄頃利害立判而况涪漢合流州因以名宕渠水衝射直齧城下其勢犇猛莫可禁止倉皇緩急顧何以爲國不此之務而誰務按圖夙戒舟楫自謀則善矣而一城生聚悉棄置不卹豈翁爲民父母之意安在自是寢驚憂懼日訪防捍備禦之策則治平間有單公者以光祿卿來爲州於漢水上流築斜隄至今名單公隄歲月荒圯頽圮斷址出沒於荒烟野艸之間是以未及二百年而水頻灌城甬輒或巨浸累日淵淳公私狼狽流蕩徙避前爲州者一再奏請乞降祠牒朝旨屢下措置支費奪於他事而艱爲力輒相顧困循中輟雖然江河淮濟皆水也河患最酷乍決乍塞漢沱白馬玉壁菑石拳茭而王尊欲以身填金隄止宿廬居承波

稍卻江爲四瀆之首涪漢雖大川其視河固有間矣而獨不可致力乎宵旰勤郵幽隱之意不怨余亦未嘗不愛其山川姿態之美而輕車小舫雜於漁蓬樵屨之間往來巡視也近之君子凡所興作必欲自己出多以循前人軌轍爲陳迹可恥使後之來者亦猶余之視治平紹興間歲於夏秋霖潦之餘伺其稍有虧缺隨即補治則可保永久而長存倘待其極敗大壞而後加意則前行而掣其後左動而右不應束手無策豈不重有愧於斯民歟繼者勉之單公名犯秦陵嫌諱故不書嘉定六年二月吉日朝請郎權知合州軍州兼管內勸農事借紫眉山任逢記

沉厚堂記

任逢

大臣以道事君以天下爲己任必其平居無事之際氣質凝重學識宏博抱負奇偉操履純茂然後能謀能斷投之所向無有不遂可以安國家定社稷臨大事成大功而從容不亂譬如操萬斛之舟於長江大河方其未行也屹然山嶽不動及其行也雖驚濤怒濤震風凌雨之所迫袖手旁觀之人未嘗不爲之驚愕失色而中流之所謂操舟者安閑泰定固自若也至於其他則不過小小維楫輕波淺瀨僅比兒戲轉

而涉江河之險則鮮有不適飄搖覆溺之患者吁其可畏也三代王者之佐隱約耕釣規模素定出而用世道全德備在所不論漢高帝初定天下知蕭相國之代非曹參王陵陳平不可帝見遠識微以平智有餘不可獨任周勃雖木強而可囑大事預知其必能安劉氏也知人任使實優爲之唐武后進陸不勝之問鸚鵡折翅之間思欲得奇士問狄仁傑舉外司堪相者而問姚崇皆疑而問問而再三若有物體之未下者仁傑與崇皆能窺見其肺肝欲得賢以庇已察其發問之意且愛且畏不能自決是以答之之際得

以逾折其姦鋒余來守合之明年暇日觀覽近歲壁記姓名唯之與呵思欲尙友古人可以按爲軌範者首拜唐張公柬之畫像堂堂儀冠八尺甚偉距燕私瓮遠弗克朝夕見欲有以叩之而未知所處也便廳西備有堂宏敞修竹野塘繚繞照應寒碧石洞宜焚香宜弄琴宜讀書圍碁榕陰下垂不知六月之暑乃移置繪像於堂之中央而祠事焉初公年七十餘以賢良召授監察御史遷鳳閣舍人論突厥有女請和親忤旨出爲合州刺史至今遂爲此邦之重不以其斥於外也而論徙新明縣于漢水上以避水災在蜀

州則論戎姚州徒空竭府庫驅率平人率皆見于傳記產祿不旋踵亡滅不足爲漢之禍武氏則有不可勝言者矣被袞冕承宗廟御黼辰誅戮宗室剪削大逆任用酷吏三思二張相倚爲姦競尙豪侈權傾中外呂氏擅漢武氏擅唐雖从近淹速之不同而周勃之安劉與公率敬暉彥範恕已等輩復李氏社稷率皆曰厚重少文曰沉厚有謀而得策信乎臨大事立大功者不可付之輕躁浮淺之士謀之不審爲之不成而多敗乃事也然或者尙致恨於公以爲自秋官侍官至爲相不能徙薛季昶草不去根終當復生之說併除三思彼豈知中宗孱弱先掃除武氏之黨亦必不能自立且恐生他變而有權不在天子之嫌此又沉厚深識遠慮而或者不之察耳周勃以太尉入北軍公預結羽林諸將北門南牙同心合力是又公與周勃異世同符如蛟龍藏于深淵黯然而不測之威人知所憚漢唐之安危繫焉因摘沉厚二字以名斯堂云

北巖李氏思洛亭記

游 桂

合州環江邑居湫隘附城少北有巖石修林之蔽李君師杜於是得小山焉種之岑蔚結居其上卽其旁

之谷以爲圃從外望之見其岑蔚而已入門而左得小軒東向臨谷下見亭沼花木之麗谷不至甚窳而山亦不高中谷爲亭由亭而上其花接山少折而西且南以達於屋背由亭而下因其積卑爲芰荷之沼以合於下田而名其亭以思洛師杜故中原冠族丞相張文正公其祖母家也畀以賜園甲於洛下宣和初取爲離宮號景華苑旣而歸之則中原陸沉矣師杜旣不能忘洛而尤思故園則因斯亭以致思而屬予爲之記且夫洛人之閱于洛多矣天地之間惟洛至和之安其花善變而多竒同本異族各自名家遇逢意好之偏品題升降傾奪不一如此類者不可勝數而園館臺池之列於洛下者觀其時門戶迭爲甲乙若夫遊觀之際王侯戚里裘馬供帳之光麗而先賢名德之後彙裝槃篚矜其儉素而靜嘉以至時好之異宜歌舞之變態播之上都行於四方大率由此而出茲其升降盛衰賢否得失交有觀焉而太平京華之盛爲如何也雖然予聞之說苑平遠者爲莽蒼詰曲者爲蔽虧夫景華旣不得有而於今之圃崎嶇多趣十畝之門內外映帶有不盡之意茲則失平遠而爲蔽虧者也夫萬物之理固有推移而不可以勝

窮詩曰豈其食魚必河之魴師杜之爲人賢而達其亦姑安乎此也

赤水縣程公政事碑記

劉時行

治者君也求所以治者民也推君之治而濟之民吏也凡曰吏均推治以濟民而尤切于撫字者惟令爲然令得人則百乘十室被其休否則政治弛而敗蒙其害者豈淺耶故在昔郎官缺則擇常任縣令者補之而內外官五品以上者則取之以爲令然則令之爲任重矣哉赤水之爲邑距州百里介兩山之間摠七鄉之衆其疆封爲狹小也然民淳俗厚樂於奉公

其詞訟較他邑爲少故來者率易之以爲不足治而治不加力敝弗救傾弗支而民因得以爲奸焉蓋一邑之衆不無詐僞亂常者以幻誘良民遂致民爲隱寄苟避賦役僥倖之徒泰然自足而困役傷財者有不得終養之患以是爲病蓋累年于茲矣惟程公以高才碩學俯綴科第下車敷化風動神行巨德清機星燭幽隱之情鎮浮薄之俗前隱寄者于是廸之以善承之以公俾之自首而原其辜有不率者乃力治而痛懲之故慢公罔上之徒電滅影息而下民無役使不均之弊圖籍之戶口止二十有八今而歸二

等復版圖者乃至于一百七十有三用度不乏征役以均故雖西南小醜跳梁閱月而吾邑士民副軍須充邊役者皆樂輸而無怨自非化裁有道未易若此時行邑上也廼者掌教南充稔聞士大夫之論交口而談程公之美多矣暨得解還舍入其境亭館嚴潔儼若公宇固已欽服其爲人趨其邑梁伸若虹塗平如水乃繼之以嘆曰嗚呼吾邑久敝陋今此一振使人意奪神駭信乎公之所爲果有大過人者故併書之以告後焉

明

修合州城記

狀元 黎 淳

先皇帝天縱聖神以人立政於守長尤加重乃復辟紀元初親拔進士甲科三百人而遴選其通政有器局廉正識治體者俾分牧諸郡縣急先務也進士登名龍虎其恩勞踰越常典志願高出衆流旣尹一方靡不竭忠以建功名興事業圖報稱也若今蜀之合州守唐侯珣字廷貴是已侯初視篆適蜀土侵漁成俗民窮且病砥柱中流持冰蘖以率下寧失諸侯之愛無傷小民之心夙之頽波稍振始克自立乃課農桑修學塾鋤強暴削姦吏清獄訟省財用葺公署壇

廟館舍之墜者州治備然屹爲川東重鎮天順壬午盜起峨眉蔓延資簡遂寧間三川騷動維時諸守長或戮或竄或被擒獨合州以有備不敢犯益侯恩信素結人心而威力又足以制其命云耳然侯有計恩孚一時或不能被后世威振一州或未可及遠方一日率僚佐出飲釣魚山晚登純陽而眺焉慨然有千里金湯之志乃䟽於朝以城池請詔從之州舊有城相傳元季明玉珍吳有仁創築非也按唐置合州時已有會江樓城非元季始明矣侯周覽故基惟北面稍存東西南悉已夷爲民居於是度閒曠之地移民

築室而役五千伐山採石陶甃簡材卽故址砌爲石城週迴二千九百二十四丈高一丈七尺基廣一丈五尺上徑一丈三尺東南濱江西抵濮溪北據瑞應純陽二山卷石爲十一門東曰迎暉廣濟望江西曰落陽演武觀德南曰阜民修文會江北曰迎恩瑞應門各建鼓角樓樓各爲三簷高三丈有奇經始於癸未年十月落成於明年八月公不費而財備民不勞而事集蓋自是合始爲完州矣學正章君敬馳書請爲記惟太史氏樂道人之善謹叙其事以告於合人曰天子仁聖克爲爾民立賢州長爾州長又才傑克

爲爾民設茲天險皆千載一時也今使爾內守外禦
有維城之基凡官於斯修文講武者各得効職業旁
制屬邑無寇攘之警非賴斯城乎使爾城郭溝池以
爲固四民得安其生臣得以忠於君子得以孝於親
夫婦兄弟朋友各得以行其志非賴斯城乎使爾金
墉其萬雉凡騷人墨客走傳乘輶登眺於此得以覽
水光挹山色舒暢鬱湮嘯歌風雅非賴斯城乎易曰
重門擊柝以待暴客蓋取諸豫唐侯有焉詩曰無俾
城壞凡官於斯及爾民皆不可忘也天子之德寄州
長宣布州長之德在爾民及爾子孫之心爾克保之
則此城暨爾子孫可千百世長存也爾敬圖之予愛
榜中得人最多學正又故交故得詳聞其事請以此
勸諸貞石凡相其事者皆可尙刻名於碑謹記

增修合州學宮碑記

金 祺

聖朝一海宇設都邑建學校錄秀民而收之以師孔
子洎諸賢及三代以下諸儒之有功吾道者上以盡
報本之誠下以使學者瞻仰興起有所成就命有司
以是爲首務而責成憲臣方岳監司所至必加之意
一何至哉合州之廟學前此長貳每有剝建修葺雖
未稱治猶可也比年毀於水火侵於民居以凶荒雖

小圯莫能治遂因循至極弊大壞廟不足以棲神學
不足以聚徒宏治己酉四月祺承乏州事謁廟之餘
升堂聽講瞻顧不自安思所以新之然賑發方急不
敢言竊嘆朱子請修白鹿洞書院謂此山老佛之祠
蓋以百數兵亂之後皆復其舊獨此儒館莽爲荆榛
况境內寺觀鐘鼓相聞殄棄民彝談說空幻未有厭
其多者而諸儒禮義之宮所以化民成俗之本乃寂
寥如此然修復此洞蓋未足爲煩又念草廬先生修
學記謂吾儒之徒不如釋老之徒能尊其師欲爲之
不敢輕舉靜自經畫地必闢而後可基必崇而後可
制必更而後可宮室之材類皆朽腐可任改作者僅
什一必求其良聚之而後可然闢地必將奪民之居
崇址必將勞民之力聚材必將伐民之材百藝之工
百工之食皆民也役巨費繁且分不得以專爲然則
若之何而後可幸而天子崇重儒術罷黜異道歲庚
戌詔天下凡私創緇黃之居悉毀之歸其徒於農時
巡撫都憲貴溪丘公奉行唯謹檄諸司以毀材買之
以易粟備荒民惑於襪祥鮮克從祺始得請以其材
建學遠重慶太守蘭陽毛君巡行至郡視學地見侵
於民召諭之悉還焉是歲復小饑祺乃請聚粟募貧

民傭給其食以轉是材巡按御史安成歐陽公偕藩臬視學亦謂壞極宜新命祺力爲之又請於督學僉憲歷城王公乃辛亥八月興役旣復侵地又買民居十有一家始僅足爰因地之宜廟於左學於右計宮室廣袤之度以授匠氏俾相材爲之舊地多糞壤卽培使崇恐不克勝重發去見硬上乃度立柱所疊石方尋崇丈以承礫乃仍求堅土實之廟與明倫觀願二堂皆然也廟之爲門者五高將四丈蓋以其材之良不忍裁斷非欲侈舊觀也聖賢像遷自舊廟不更作堂亦五高不及廟者丈廟之前東西爲廡各九間

又前爲列戟之門五而闢其三東西各爲厦東祀興文之神西虛焉有事於廟前董庖者居之又前爲櫺星門舊有尊經閣壯甚在廟前跨城而立卽城三其闔始以備戟櫛星之制今移置廟之後以其址爲通衢而闔塞焉閣之後爲瞻學之廩堂之前四齋法得爲齋者三東曰明德西曰思誠義正明德齋之下餘一齋爲神庫庫之南爲神庖養正齋之南爲濂溪先生專祠蓋先生嘗爲州察判過化之地也又南爲儀門門之前爲儒學門堂之後爲觀頤堂饌具在焉又其後爲學職廨舍西爲諸生肄業之居神庖前爲門

曰致潔供祭者由之專祠前爲門曰致道肄業者由之繚以周垣墉高而覆厚櫺星之東傍元妙觀故道也今別取道則其地隙矣垣而建亭樹鵠爲射圃廟學之東西爲兩坊左曰儲真右曰効實制尙堅樸材無異產圖可以便修葺也鄉大夫洎學之師生強禱爲文記其事嗚呼此禩職也亦不得已而爲之也何足書竊惟吾聖人之道不繫於廟之建不建然敬不可無幣將之也吾聖王之化不繫於學之建不建然工不可無肆居之也此禩所以不得已也或曰是役也材有處矣工有餼矣民不勞矣一可書也噫有是哉

何者非民之力何者非民之財何者不拂民之情而敢爲其事而避其名哉故以朱子之德興復一書院且以老佛之事反覆譬擬而後得請今乃毀彼之居爲吾夫子之宮毀其徒說空說幻之室爲吾徒進德修業之所吾人得免於不如其徒之尊其師皆聖天子之所賜也誠不可無紀禩區區董役之勤何足言第欲嗣禩以守者念此時此事之不能常有民之財力不可重傷且勞也脫小圯卽治之母使至極弊大壞如今日之不得已亦不可無言也若乃吾夫子之道師之所以教弟子之所以學則聖賢之格言祖宗

合州志 卷之三 藝文 三十一
之成憲其在祺何知而敢僭爲說惟相與圖無負可也

新建合州純陽山上主廟碑記 李

翹一作相

合陽城北有山曰純陽高扼奇秀橫出天漢發源蓋自秦隴數千里東南跨龍多牟山降巒層疊透池州境則宕渠嘉陵涪江諸水隨山而出此山據二江之會山麓卽州城也形勝爽塏氣象軒豁城之左有山曰釣魚曰學士右有山曰龍遊曰聖燈秀峰丹崖巖立相望前則仰視大河江流旋繞烟村露樹風帆浪舸渺茫出沒銅梁巴嶽諸山翠峯環拱蓋西蜀之奇

觀也前人因女仙范志元遺跡建宮於純陽山元正竹樹陰森足爲郡人藏修遊觀之所中遭毀敗蕩爲虛莽正德壬申余承乏是郡值歲大旱率官民竭誠籲天禱於神之土主三日而甘雨如澍秋七月大盜率至復禱神督兵與格大俘賊震懾遠遁隣郡俱罹慘毒而合郡獨獲保全實神賜也神姓趙名延之字孟牛唐太原西河人大歷中爲巴川令時資瀘夷寇縣延之率兵討平以功陞合州刺史兼渝瀘經畧安撫使有惠澤及人蜀人多廟祀之合郡舊廟在城西北隅成化壬寅燬於回祿前守郡者以地建公署廢

何州志 卷之二十三
祀事三十餘年矣郡人以神有靈感能禦大患欲廟
祀於純陽山予惟純陽州主山而神則祀典所載者
遂謀諸僚屬捐金若干及勸諭士民以備木石工用
歲癸酉秋九月興事是歲十有二月訖工廟堂寢室
門宇墻垣輪奐鞏固仍肖神像以肅恭敬命羽人以
司香火開道路植竹樹觀制如舊制壯麗過之祀事
孔稱人心感孚山川壯觀斯文增輝豸史何公順卿
撫諸父老謁予曰昔范文正公守嚴州建嚴于陵先
生祠堂自記之前合州守麗水金公諱祺字崇厚有
重修學宮碑記謂予宜紀述其實由是益信王道之
易易也何也恭惟聖天子嗣登大寶仁恤蒼生蠲通
省貧節冗費民得休息樂於趨事百司庶職選用賢
良而郡牧教官舉得其人矧今聖德覃敷地方寧謐
唐虞三代之治用光前烈永承天休神化風行宜若
是其盛也人知廟祀成於有司而不知民之餘力本
乎朝廷知人材鐘於山川而不知人心之攸嚮本乎
上之躬行予特表而出之若夫恊心効力共成厥功
者悉紀名碑陰蓋亦不沒其善也

重建鄒立齋先生祠堂記

黃克纘

嗚呼自古賢人君子盡忠世主不遇而死者何可勝

數然皆其臣是而其君非也獨賈太傅遭遇漢文不世出之主言幾售矣竟貶長沙悲痛天絕此千載而下所爲憤鬱而不平也茫茫宇宙慶殃反覆賢人罹禍古今一揆若鄒立齋者又令人深怨而悲極矣先生弱冠登第讀中秘書值孝宗皇帝卽位聰明仁孝千載一時乃矢口言天下大計欲進賢而退不肖自以爲引繩批根可幸無罪故直抵執政侵貂璫而不避也豐蔀蔽天日中見斗竟令權奸得售其計以他事中之遠謫炎荒溘焉朝露嗚呼先生之志過於賈誼南海之謫遠於長沙身沒之年短於三十悠悠天

道慘毒實多何忍言哉昔太史公作伯夷傳謂盜跖老死東陵夷齊餓死西山致疑於天道之是非夫夷齊之餓死夷齊之所安也彼其志扶綱常身甘稿死視百歲猶且暮等彭喬於蜉蝣苟得死所躡千萬載可也又何恨於彼蒼獨謂先生所處則可以無死者一言不合遇巷有期間關萬里生還可俟使帝宣室求賢逐臣見訪則君臣之交歡於魚水豈慕不遇世死者哉乃爲炎風瘴雨所苦一疾不起天之報施善人於是爲不可知矣先生旣客死厥配劉孺人扶柩歸蜀皓首全節從先生於九原邦人士爲立忠節祠

而俎豆之志雙美也祠在空山間寂無人歲久不葺且有風雨飄搖之患新安汪潛夫督學西蜀詢諸士子謂祠廟不稱何以崇先哲而風後學乃請於中丞艾公直指王公檄州守曾君移於郭內而更新之由是廟貌改觀士知向往祠三層層三間其外爲門中爲堂後爲寢室堂居先生神位室居夫人像左右各房三間棟宇墻垣飾以丹堊施以塗茨行道之人顧瞻歎息謂此鄒先生祠也樹以人懷烏緣屋愛天理民爨此謂不泯矣余承乏西來樂觀成事乃爲之記蓋先生下獄時有欲以危法中先生者少司寇惠安

彭公予鄉人也獄成不署名先生得不死其謫石城予鄉蔡虛齋先生贈以詩有終不爲君恨天地有正氣之語某不肖何敢望二先生後塵然好德之心同符先哲讀先生傳而不潛然其出滄者非夫也故不揣鄙陋叙其始末若先生之所以不朽者固不在祠之有無也曾君名嘉表麻城人崇獎忠節得爲政首務是可書萬歷四十二年提督四川學校西江後學黃克績謹識

觀蓮記

府判 曹自重

丙辰歲東巖曹子署合州篆政暇建亭於周子書院

名曰觀蓮至朱明白藏之交則見灼灼紅花靄靄翠蓋懿懿芳馨每翁佯其宅謂愛蓮之章以自樂或曰蓮有淑惡周子之辭殆溢矣也公何嗜之深耶夫蓮之根蒂綿綿蟬嫣非斷也敷而爲葉吐而爲花莖一時之妍不能負雪懷霜如蒼松翠栢亦越艷杏天桃之麗爾非守也苟嗜焉而則夫非斷者則璋珪雜於砥硃清白淆於元黃矣黎元飲毒將衝衝翳路何以爲政耶非守則化杜蘅爲馬蘭捐泠泠爲湛湛將施毒螫冒貨賄般樂侈汰行同鏡鴉吾民易子而食斫骸而隳爨彼方爲雕堂華軒酒池肉桶嗟嗟金碧熒煌塗塗膏粱血也芬馥氤氳黔黎骨髓也而夫人悠悠一欲尙難極也何以爲民父母耶夫蓮淑不足以掩惡如是公何嗜之深耶曹子跋爾曰旨哉公言吾曹藥石請觀蓮以拂惡從淑何如或人鞮然而笑因命染翰書其詞爲觀蓮亭記遂刻諸石以與後之守此土者共勗

重創養心亭記

郡人費廣

宋嘉祐初濂溪周先生發書合州判官事時合人張宗範從之遊先生至其所居之亭題其匾曰養心且爲著其說今性理群書所載者是也後百有七十年

各州志 卷之三
蒐得石刻於地中時鶴山魏文靖公奉使東川乃奏
爲周程易名復移書太府安少卿於州崗建瑞應山
房以祀先生卽張氏故址爲養心堂以館生徒創田
以供粢盛廩餼公復記其事於石甚詳一時崇儒重
道藹然可想見其盛歷世滋久所謂養心亭者空載
名於郡乘而頽圯廢棄僅見殘碑斷礎遠仆寒蕪荒
址間過者不知其幾曾無一顧爲之興復可慨也已
成化丁亥春唐侯守合之又明年也政通人和百廢
次第就舉予間與語及是亭便卽憮然以興復爲任
尋舊址畚荆芟穢鳩工取修儒學之餘材以復其亭

嘉石刻先生所爲說直座亭中爲祠繪先生併宗第
像於壁以聳景慕復爲養心堂三間以待遊息嚴有
門繚有廊周有垣墉樹有竹木是年正月告成侯率
其僚屬洎州之縉紳士夫往游觀以落之周旋顧瞻
整整秩秩咸相健羨謂百年廢墜一旦興復廢興雖
自有時然不遇唐侯之賢且能而知所重曷克成就
有如是者郡學正張君敬謂宜有以記之記屬於予
予聞先儒有言曰夫人氣煩則慮亂視壅則志滯君
子心有遊觀之物高明之具使之清寧平夷然後理
達而事成不可謂遊觀爲非政矧茲乃濼溪過化之

合州志 卷之二十二
地亭說又作聖之功具存使凡仕與學者慮煩志滯而遊觀於斯思所以養心思所以寡欲思所以無欲勉盡希賢希聖之學期造明通誠立之域亂慮滯志無所容入則是亭之有益於吾人也多矣凡爲素致名遊觀於州者有不屈服退讓推先是亭者乎侯景行先賢嘉惠來學回視疲憊簿書不暇一顧爲之考其用心何如也繼茲而來遊觀者旣遠想宗範之相與從容於昔時又豈能忘唐侯注意振復於今日乎侯名珣字廷貴登天順丁丑科二甲進士其蒞合也如剏修城垣增修單公堤多偉瀕焉是爲記成化三

年五月旣望賜進士第浙江道御史郡人費廣題石

新建張王二公祠記

郡人何 昉

釣魚山在合州東北十餘里倚天拔地雄峙一方三面臨江形勝陡絕宋淳祐癸卯余玠帥蜀從二冉謀築城徙州治其上是時川西諸郡多爲元人所據制司閩建重慶而合適當要衝故當時謂魚城成蜀始能戰守咸淳癸丑于公堅來守郡展布籌策簡輯兵民秦蜀之人響應雲集衆至十數萬屹然一巨鎮開慶中元王蒙哥駢兵城下攻圍累月不克俄中飛矢死圍始解捷聞詔加公寧遠軍節度使張公珩初副

王公守城有功王還以公代之自被兵以來民剝弊甚公外以兵護民內教民懇田積粟不再期公私兼足時元將合剌用列整計自青居進築馬驥山以圍合公擊走之德祐乙亥詔以公爲制置使仍駐合州而縣俱沒惟合堅守不下元東西行院合兵來攻連敗去景炎戊寅元兵大集公衆寡不敵且爲偏將所誤被執抗節不屈而死信國文公繫燕獄集杜詩云氣敵萬人將獨在天一隅向使國不二功業竟何如卽謂此也時宋室已亡全蜀皆陷而合獨後公之力也元至正間還州舊治國朝郡人王璽廷信官戶科

給事中守制家居弘治壬子春約同郡貴州按察司副使陳睽季同及恂登莽山覩遺踪想遐躅相與嘆曰王張二公盡忠於宋有功於合所宜廟祀而未有一舉者誠缺典也未幾廷信旣朝俱奏其事報可命下使梧蒼金祺崇厚爲守奉行惟謹甲寅秋卽山巔郡址立廟設位春秋祭焉己未新喻宋琢寶之繼守廓其前之所未備奠享有祠啟閉有門左右有廊廡臨有所繚以垣墉植以竹樹宏敞壯麗足慰郡人崇報之情正德丁丑孝感余崇鳳應岐來守以春祭謁祠下詢知曾有詔而未刻遂命工伐石刻置堂東而建

祠焉事畢矣嗚呼忠義之士其智名勇功高風峻烈與日月爭光山川同久足以廉貧而立懦然不有表章之者幾何而不至於泯沒無聞也哉今茲之舉繫人心關風教益治體非細故也延信啟其端崇厚實之應岐成其事皆可書也謹志其概俾後有所考焉

荆建東山慈恩寺文筆塔碑

荆人

李作舟

原夫天波廣徹化人宜白玉之臺真宰下窺太乙授青藜之照毓人文於象緯選佛地以金湯浥濮之都風氣所萃兩江瓶注滙爲東山上列梁域星躔舊稱唐賢精舍背巘面水置曇宮焉爾其溝塍綺錯原隰

綿經城闕神州旣霞開乎百雉河沙淨土又貝諷于三乘沙磧流金峽峯掃素銅梁左負望洞口以透迤漁城右驅指釣竿而睥睨若其棹歌欸乃水色漣漪機織浪花倒涵天影之白鏡開蘭漿分擣黛色之青雨欲來而雲蒸林乍煙而月起遠燈明滅知懸賈客之帆一帶澄泓漸逼沙溪之路盆塵外之佳醅亦息心之勝遊今天子開御極之元值彤家建文峯之議山容巽發高占尺五之天地脉鼎開廣迓魁三之象大夫國人口可宰官長者用旃有懷公爲郡開士屬之部署群力鈔極雕鏤由是檀施之倫煙翔禩至匠

氏之力輪運斤輸歷三載而文筆峯成湧出如初凌
空直上僧復以餘力脩藏經慈息天王諸殿腋以舍
繚以垣金碧之光仰闕霄漢嶙峋之勢下勒奔流屬
我輩之登臨睹香城之勝蹟爾時風傳宮徵日起光
芒寶鐸響於封中奔潮來自天上連山吹浪動搖鰲
極之雄射斗于霄咫尺帝闕之近軼慈息於北望步
珠網於西伽包陰陽之神靈含元氣而震盪夫道德
所至山川卽爲寶林江漢篤鍾英哲由之踔厲當必
業樹三立藻煥八絃豈徒丹彩津梁眩工師之手闢
鄉雲黼黻拾才子之牙慧者哉懷公乃力啟余言用

垂本末飾歌鐘於果石猶侈覽觀駕亥步于蟠輿莫
忘涯涘余媿乏凌雲之筆謬紀成象之文輒染兔毫
月陳爵躍嗣北海之譜牒敢託後塵挾西蜀之元黃
聊占初地云爾是役也綱紀有光禪律不墜沙門懷
公有焉經始於無錫吳侯聿成於高陵王侯勗議則
鄒指紳陳公元初程公嵩華何公紹鶴王公約吾黃
公鳳崗王公表赤王公劬慕李公石鏡王公凡生同
庠中華南見吾雲麓兆行洪蓼兩虞諸公等若而人
檀施載厥碑成其記而勒之山靈者則不佞舟也是
爲記

重建鄒立齋先生祠堂記

郡人文方

夫真儒命世餘風遺烈可以感人心起頑傲苟有以振之當道衰文弊之日其救正後學至不小也立齋鄒先生世系在傳誌事行文章在遺稿茲不復贅明與來理學之臣不數人宣德以後弘治成化時得兩人焉一峯羅先生與先生耳一峰爲修撰抗疏論李賢起復先生爲庶吉士抗疏論天變欲進三君子退三小人予嘗讀其疏如曰欲興天下之利革天下之弊當自大衙門始欲正天下之大衙門當進君子退小人然君子之所以不進小人之所以不退者以宦

官陰執其柄也而其本又率歸之正心如曰心者一身之主但所發不能無天理人欲之異耳發於天理則耳自然聰目自然明言自然當理動自然中節又何宦官之能惑發於人欲則一身無主萬事無綱儀仗之酒或得以甘吾之飲易牙之味或得以飽吾之噍白台閭須之美爽林蘭臺之樂或得以蕩吾之耳目予誦其言觀其施設使得竟其志庶幾王者之佐與先生死貶所年僅二十有六無嗣乃夫人劉氏者視先生又無愧怍孀居六十餘年貧無素蓄幾難存活終始貞淑有大丈夫所不能及於是益有以慕先

生厥克刑家之教感人無窮矣禮祀鄉先生於社一峰先生在永豐有祠而立齋先生顧闕焉吾鄉後學何所仰而觀法也哉前郡侯劉公士遠始創建於瑞應山以公併夫人祀繼而徐侯瀾至又重慕焉教諸生必以先生爲法重加修葺會侍御史鄆公白夫人之節於朝得報乃立忠節祠 臯喻公按郡拜先生之祠愈切向慕爰命加葺維時郡守羅去幸我見湖彭公謹以正卽左遷吾合二守視篆一載興利革弊案無畱牘其正大光明之心又有與先生同者故於先生之祠一撤其舊而新之前爲堂三間後爲樓三

間皆壯觀云文方氏曰夫子有言信而後諫云者勿欺也臣之於君猶子之於父安有切於心而不形於言者彼執躁進之說必欲得君而後諫將何時而可耶鄒先生正氣凜凜千古不磨歷極窮而不悔議者謂其明識如賈誼忠欵企屈原而理學淵源一本於朱程以求乎孔子之道其確論哉其確論哉賜進士第徵仕郎兵科給事中文方書

重修天寧山萬壽寺記

郡人 程宇鹿

此天寧萬壽寺也處西鄙越郭二十里許其地負高而臨深洌渟百仞屹石巉巖峽峯巴峽蜿蜒摩天而

蒼翠接於眉曉涪水建瓴而下襟帶天塹益挾山之
奇又環江而勝者古創有寺其初不可考火於元兵
而故址猶存國朝永樂初僧妙殿岫然有興復意開
柞械闖其門而入得元祐碑文模稜猶未識天寧萬
壽寺也第踵其基而豎殿閣法相衣鉢盛傳廣其徒
造龍遊造嘉福又造長安凡合之名刹胥根宗是僧
正官亦設始是故獨得祖師嫡派遞傳正法眼藏僧
亦多徹悟多壽碩先正縱觀者咸異之大父方溪公
更偃仰此嘉靖時奉欽命典校御書博誌中載天寧
萬壽寺寓巴子國歸而語僧忽掘地獲古石篆勒有

寺名果與誌合始知爲天寧萬壽寺也僧遇此益有
慨古之思欲葺其敝招化檀施者明亮明貫兩僧皆
有行亮則剛足斷欲勤足幹濟貫則慈和徧覆有菩
薩意而亮尤篤於課工椽杗塼瓦纖悉而集之五銖
一鏤僉歸寺府無一私者由是增峻垣列高墉覆益
其上石墁其下昔殿檻圯壞今且玲瓏壯麗矣昔法
相損敝今且碧采絢煥矣昔僧房數椽今廣而增者
鱗集矣紺宇轟轟以雲蔚樓臺蘧蘧以虹指千楹電
埏萬拱翬飛曉鐘清水月之音宵鼓警沉淪之耳足
以增聞者之慧也刊經文於貞珉炳雲幢於法塵足

以導瞻仰之目也開堂闢無生之義廣法喻曇蓮之
旨足以詮語嘿之故也遊般若之岸升毗尼之室鑑
出於虛慧生於定則凝性有助感之懷肅五蘊之紛
擾凜十善之莊嚴寶月破昏靜雲破塵則醒迷有覺
悟之路胥於今之脩復乎是賴矣夫一寺也湮沒數
百年而復耀豈非默有以表見於世故托之誌文驗
之碑石以應期而現乎寧獨爲寺之故也方今帝也
以明聖相承垂拱熙洽天心寧謐我國家贊皇猷翼
景運期寶歷于無疆也余故願爲之復其名曰天寧
萬壽兩僧聞余言而謝曰寺之勝賴此名以復古寺

之名賴予之記以不朽兩相待者耶余自度三世披
卷於茲矣嚴君進堂弟羽鷺借舉制科先竝摘藻而
業有祥應焉余烏能辭是爲之記而饒諸君

龍遊山存寄碑記

程宇鹿

人生盡寄也寄吾寄者山水也存吾寄者詩歌咏嘆
之觸於山水蒐目漙心發之以才著之以言不與蟬
蛻之形速泐者也間生人頂踵有百年不盡者乎百
年外非吾寄故謂之寄使寄而迥然盡透則時迫而
性休雖暫假猶樂也乃勞筋苦骨日斲斲焉而追吾
寄財鷓氣蟬走勢利如鷲又役役焉桎梏吾寄則寄

轉入苦獨其從喧得寂異乎噴岫飛岑塘陂淵邱一
見佳山水始眉宇軒軒灑然而怡斯其昔洵樂矣樂
動之志志斯言言斯永發之以章而後詩生焉愁咏
之而喜怒咏之而平所謂恬塞棄通以歡祛悲者無
踰此矣蓋詩者天地自然之音萬物之共情音之發
而情之原無所爲而爲是人性之真也途謬而巷謳
勞呻而康吟斯之謂風也古人之真詩在民間也而
今人之真不亦在詩乎彼愛流爲海情塵爲獄是皆
有爲而爲棄吾真而就者若夫登高作賦稱物論志
何所爲而爲而觸目相感誰非其樂之克滿也故儻

然遊於天表率然前誰勃然而歌卽爲淺爲深皆抖
擻煩惱不矣道者也雪蓋之色動色則雪雲增之韻
動韻則雲暈過者物也動者情也見青壁之萬尋則吾
性峻發爽壘之真動見川后之安流則吾性滯浮寂
澗之真動吐青嵐之颺戾納歸雲之鬱翳則吾性飄
颻淡豁之真動情動則會神契則真將視吾與泰峙
崇原日月霜露煙雲皆有根之萌若一脈聯也挾天
地之真還以摹寫天地之景色歌以永言當昔咏之
後人傳之曰此某之詩也彼其人已速朽矣而人以
詩在誰謂人生盡壽也而竟無真性靈以留人間世

耶龍遊山亦蜀門之重鎮也委蛇峭削環千里而孤
西則大川浩汗雲霞之所沃蕩東則華銀石鏡之所
迴薄外負銅梁中環巴岳城邑紆餘平率起忽四望
而雲染染一眺而山川俱盡其中天開淥池地呈金
石簡積頽砭嶽崖倚頓山溜泠泠飛泉漱玉何一不
足供騷客豪人之逸興登臨之下目豁神迅志搖襟
擴靡不出吟而造於詩晉魏以來之蹟苔蘚碑文隱
現間未有金壁國朝名人或書蒼崖或藏帙括正在
斷續之際一不存記不爲向之湮沒者無幾余曰文
者前人之精神文即人也存之足爲此山重何不以

之樹不朽乎寺僧宗昶宗言能通文字以余言爲然
索余爲引夫推表存古史氏之職也余烏乎文以章
前代之休顧思舊古者存志尙友者存識遺矣者昭
勳揚權者彰後作詩者有真存詩者亦有真真之不
存幻而益幻真以存寄幻而得真安見天地之永非
寄而人生一瞬果盡無真耶噫其所爲真與寄即天
地不能知所自出而窮於智余安能知余不能知顧
安得取造化之大而詹詹言之斯理也亦以俟天下
之才彙達士曠然通焉姑捨其所遺以鏡之石萬歷
歲戊申三十六年秋士鑑

重修青岩山慧日寺記

郡人 歐陽調律

郡青岩山距城百里許舊有慧日寺昔人記之曰其地外峻內平降巒萃嶺蒼岸碧嶂周匝園圍松柏鬱鬱森蓋故勝地也寺闢自宋之淳熙而焚於元之末季再興於我皇明龍飛之初迨今又二百餘年爲風雨敝而以本山比丘德廣增拓而煥然新之且請記於余余目佛法空讚所有何有於居且屈指之興廢不數百年而變態若芥烏用記爲廣堅前請復合掌向余言口興廢倏忽固爾向使無廢寺廢矣且廣不持鉢沿門乞丐寸木片石於他姓惟是捐自香爨耕鑿

之食糈前後殿閣經樓左右翼以楹榭上下飾以丹青一切壯麗功倍往昔更繪諸大士尊者脩極莊嚴又增置田畝以衣食沙彌世保焚獻無替竭廣一生之力以事我佛此亦廣皈依我佛一念廣今近八季矣不記而廣之念恐與人俱往寺不復保余因唯傳有之口若考作室旣底法厥子乃弗肯堂矧肯構猶有意藉祖父基業不再傳而甲乙更易者甚至吾儒習周孔之教假庠序爲階梯守詩書爲衣鉢日見宮墻之圯毅然獨肩而一旦新聖人之居者有幾然則廣其佛氏之肖子乎至其土木貨糈不事外乞成出

合州志 卷之三
自巳又大異乎今之錙流藉營建以潤囊橐者矣噫
七情重貪愛六度首施舍廣既已樂施除貪居然佛
子使夫自私自利者見之而內慙猛然勃發善念人
人菩提廣又且爲佛氏功臣矣况念念相觸善善互
迴火燃泉達正未有既也故吾儒二氏泥者分之爲
三達者合而爲一其寔無二致也用是爲記以與人
爲善而接引於靡窮云

國朝

重修濂溪書院碑記

翰林 董新策

宋嘉祐初濂溪先生周子以太子中舍簽書合

州判官夔志不稽謂先生熙寧中判夔州非也
合人張公宗範嘗從先生遊亭曰養心先生記
之載朱子通書附錄後百七十年大府安少卿
建瑞應山房以祀先生卽張公故址爲養心堂
以館生徒割田以供粢盛餼廩鶴山魏公勸其
事於石明成化中唐侯珣守茲土興復是亭費
御史廣爲之記然則合陽爲先生過化地合人
之宗先生有自來矣嘉靖辛卯練塘邱公按郡
作書院於南津顏曰合宗表濂溪也院廣六丈
深三十六丈嚴有門繚有垣周有廊池有蓮樹

有竹木當時崇儒重道詎不謂盛哉兵燹以還
瑞應養心諸勝日就頽圯而合宗片瓦蕩然無
存遊息其所者見殘碑斷礎野草長林輒三嘆
去今年夏余省先人墓來暫止焉登尋樂光霽
之堂周旋瞻顧整整秩秩百年廢蹟煥然改觀
噫廢興固有時耶然微郡僚蔡君孰肩廼事君
佐郡有年政通人和百務以次舉書院之興復
尤慨然任之捐俸錢剗蕪蔓伐木於山埽埴於
陶集梓人冶氏丹雘之工罔弗親礮鼓以賈厥
力度舊址爲堂堂五楹中奉濂溪先生木主門

廊垣墉竹樹蓮池如初制經始於癸未之秋落
成於丁亥秋八月凡金以兩計者一百六十有
奇其一切賞賚之需皆君輸之橐中儗如也學
博魯君又鞏劉君劭謂宜記之記則屬余余謂
士君子服古入官苟能振拔流俗以實心任實
事則官無論尊卑地無論瘠腴事無論緩急靡
不有人心風俗之防今

聖天子加意右文德教洋溢大法小廉比戶可封矣
合陽東北殘疆地曠而瘠兼三邑尤遼闊難治
前守常公新守王公相繼撫摩罔不奉

金州志 卷之二十二
上德意惟謹然土著招徠類聚群分人心不盡一而風俗不盡淳故潛移默化有微權焉古者樸驅之農秀驅之士書院之設庶幾治合之權與乎况乎吏目一官其在合也與他郡異曠瘠遼闊之地土著招徠之民凡郡伯所綜治者皆得佐治之則人心風俗之防斷不可須臾諉正非發一奸摘一伏遂可告無疚於簿書者也不然區區俎豆先儒坊表後學曾何補傳舍事而茲顧汲汲乃爾耶且夫書院之祀濂溪先生豈獨表先生哉先生生於楚宦於合今合之士著者

先生之遺民也合之招徠者先生之鄉人也一其扞格不相人之情矯其齟齬不相習之氣而將使之共祀先生共學先生則調和安輯之用妙於不言矣夫太極通書之學誠而已矣官斯土者誠以治人是卽德盛治至之學也生斯土者誠以自治是卽身端心誠之學也上以誠感下以誠應存之爲心形之爲俗合之所宗有潛移默化而不自知者是役也豈值爲觀美已哉雖然合爲人文奧區山川炳靈世載其英最著者宋侍郎山陽廣公明翰林立齋鄒公各能以

其學術行誼炳耀當時施聲奕禩非孟子所謂
豪傑士耶迺龍歸蒿隴燕沒空山閭閻故老無
復有過而識者而湫隘數椽廳榭風雨移故屋
而苟完之規制未脩也蒐舉廢墜景行曩哲以
勵人心以挽風俗君其將於贊政之暇次第舉
而行之乎予日望之矣

重修濂溪夫子祠池亭記

州牧宋錦在中

余幼讀周子愛蓮說留連景慕謂其先得我心
輒妄自期許曰庶可步厥後塵乎迨觀程子述
其受學之時每令尋孔顏樂處所樂何事然後

知其見道之深未易幾及也至若太極圖說等
書有以抉乎易理之精窮夫性天之本孟子後
一人而已余以中下之姿作輟其功詎能望其
萬一哉而景行之私則未敢一日去諸懷也今
上御極之十二年仲春望日由犍合來牧合陽求志
乘於斷簡殘編中知先生於嘉祐初嘗以太子
中舍簽書合州判官合之人至今尸祝焉蓋其
教澤入人深矣謁其祠覽其遺碣堂曰光霽亭
曰尋樂創始於嘉靖辛卯練塘邱公兵燹後蕩
然無存康熙丙戌大梁蔡君之芳興復之迄今

四十餘年堂宇雖存亭榭已傾乃謀于督捕南陽鄆君作璫曰先生理學名臣甘棠遺愛可令其久而就湮乎况余與君皆豫人蔡君之績其待我兩人嗣之矣遂與學博殷君建元穆君銓麟駐防司廳張君世勳署司廳向君子寧各捐俸爲倡紳士商民翕然響應共得金錢十餘萬命鄆君董其役擇庠中醇謹幹練者張生朝聘袁生藻楊生泰張生朝綱分其勞仍亭之舊一新之復鑿池亭前種蓮池內將以廣先生之愛耶亦以昭余景慕之初心云爾雖然修廢舉隆宥司之職也希聖希賢學士之分也是役也馨鼓不煩百工用命固可見秉彝好德有同然矣而觀感興起者其何以洗心滌慮澡德浴行群趨於君子之途以庶幾夫光風霽月之度而日尋孔顏之所樂乎余不敏願與此都人士共勉之

新建尊經閣金重修櫺星門泮池碑記

郡人 譚玉書 宣瑞

從來士習之淳漓視乎王治者精神志氣之所萃上侈園囿汚池臺榭花石之觀則情欲勝而

佻達日生上隆辟雍鐘鼓鸞旂芹藻之化則禮樂興而人文蔚起故同此木石同此興作妄用之則百金之露臺可惜千七百所之淫祠可毀而黷宮泮壁之制卽堂皇富麗不以爲泰所以樹吾道之幟而啟學者人德之門也合之泮宮在州治之南據涪江而面銅嶺洗墨與掛榜連輝指白鹿而望東山桂殿偕文筆遙峙其在先朝秀氣所鐘理學名臣彪炳史冊賢書甲第照耀志乘地靈人傑信不誣矣兵燹而後殿閣傾圮宮墻之內鞠爲茂草迨我朝定鼎百有餘年

若大成殿崇聖祠暨兩廡戟門鄉賢名宦久經修復而尊經古閣徒留曠址遺基櫺星泮壁未免因陋就簡無惑乎邇來士習不振文風靡上且內而經學之不講外而經世之罕著豈盛衰隆替運會使然歟抑栽培作育猶將有待也夫德不加進業不加修此匪異人任自有身受其耻者至於修舉廢墜補葺闕遺寓鼓舞之機於創建之中隆作人之化於學校之內則非得位行道具裁成輔相之心者不能矣乙丑冬淮陰施公來署州篆興利鋤弊次第舉行而敬教勸

學倦倦不已因念黌宮爲斯文重地經閣實聖
典攸關爰請上臺捐俸肆修僉召僚士協心辦
理自丙寅仲夏爲工迄丁卯仲春落成周圍寬
廣悉如古跡而堂皇富麗邇之事既竣方欲謀
諸僚屬改修櫺星泮池而覃懷宋公按臨慨然
以之自任亦不數月而厥功告成於歲盛哉前
門後閣僉煥日星創始成終若合符節是何可
以無紀也先儒昌黎有言曰莫爲之前雖美弗
彰莫爲之後雖盛弗傳施公以五日京兆留德
政於尊經宋公以下車伊始開聲教於泮水其

先後媲美者豈非精神志氣畢萃於是而不能
或緩者耶由是風聲樹而趨向自端坊表立而
景行必切將見敦詩說禮之士談經於閣上求
志達道之儒輝映於門墻濯涪江銅嶺之秀標
桂敷文筆之彩以羽儀廊廟而潤色太平者皆
二公栽培作育之功也故不禁踴躍而爲之記
合州牧奉直大夫宋侯畫像記 羅醇仁
蓋聞大德不官大智若愚故古來垂不朽之功
建非常之業者迹其初皆無以甚異於人至若
矯情飾貌鋪張刻覈立心求異者直一覽無餘

耳是猶夏用陡作雷霆震蕩入地不過膚寸且
或於物多所摧折終不苦春風時雨和暢優渥
萬物畢受其滋而不知爲之者也乾隆丁卯我
大夫受

簡命自健爲來下車之日廣咨訪問疾苦檢簿書而
已乃不期年平徵收省勾攝冤獄以洗潛德以
彰興義學而增膏火警頑情而黜浮夸一時士
風丕變民心翕然厥後

國家治兵金匱郡邑例供轉輸川東派碾倉穀累
萬億石初議本地僱夫出陸路直運打箭爐人

役需數十千糜費輒數十萬檄下吏民驚顧大
夫委曲陳狀改由水道運交雅倉民受其福且
於是時修葺文廟添製祭器補立名宦鄉賢木
主親爲題識續增至四十餘位而先賢祀事不
致闕畧周濂溪書院向在南津領圯幾不可居
椽瓦棟樑門牖丹堊大夫悉燠然新之又造建
唐刺史漢陽王張柬之祠以供祭享我州自明
季遭兵焚舊志毀失百餘年來尙未纂修大夫
入境卽廣爲搜採方議與州人士彙次之忽聞
父憂匆匆不及計或以爲請大夫出金與書授

今日書雖集成未經筆削今方寸亂不復能檢
點聊與諸君存餼半耳則大夫之賜何大焉大
夫性甘淡泊不尙奢靡方其捐貲成諸盛舉時
有以大夫清苦進者大夫曰否否余官是邦是
皆分內事余自樂此不疲余之官時家大人命
曰郭外之田足供養殮薪俸所餘爲地方用余
何敢以一魚重貽大人憂是知大夫之廉有世
德云大夫平日立法簡持法平窮鄉僻壤欲言
疾苦皆得面陳溫溫怡怡不作峻厲崖岸不慕
震赫聲名故朝所厝汪墓及閭閻在官十餘月

卽政修而民信也去之日士民不忍捨又無詩
能留乃盡大夫像懸之濂溪書院朔望相率展
拜稍慰瞻仰予固知大夫之不欲大夫不能禁
也是皆大夫膏澤德化人人慕深故州人士必
欲以此像垂永久俾予若孫得識惠我士民之
面目因以想見其爲人予亦不能詰焉大夫恂
謹若書生而氣量廣遠汪汪若干頃波雖古循
良不足讓不足多也是益信大德大智之說矣
夫士誠安凝如山渟渟如淵自是以享大名勝
大任彼汲汲求異者亦何爲哉朝廷欲得寬大

長者以誠和萬民非大夫其誰行見大夫他日之於天下卽今日之於我合也已

總神廟慧靈宮碑記

王采珍

合陽襟山帶水坎離兩峯對峙間有火忌瑞應山巔東側舊有慧靈宮象真武以制陽明鑿小池江清流患以寢民賴以安計自今五百餘年矣明末年張獻忠諸寇相繼屠毒城郭坵墟宮遂傾圮易錦繡爲荒涼民之慘不可勝言

聖朝定鼎招揀安集煙火漸增求所謂爲民捍患如慧靈宮遺跡僅存故址焉順治十七年劉公廣

守是郡公餘登瑞應山偶假寐聞空中人言曰好好好覺而聲寂竦然从語人曰是地神有靈得毋欲興此宮以福吾民乎凡利於民者則興之守土者責也鳩工庀材仍故址殿五椽伍王清中建殿五椽肖真武像以雷祖配取水旺制火意自是晨鐘暮鼓聲徹城中用妥神靈奠茲兆庶數千家烟火藉以弭災而禦患謂爲空中告語之顯應也可厥後道人陳來慧偕其徒來有武當復募多金補葺之廟巍煥如新庚辰夏住持李復昇與紳士耆民謀就殿前鑿石磴造

樓五間以爲宮之翼工起於秋七月中旬迄九月九日上竣而請序于余余念神惟民依民惟神祐

天子爲民擇牧牧民者亟亟利民之是圖承平日久五方人聚此地繁庶亞於渝城頻頻報火災合自前朝廷斯宮鮮火患劉公假夢中語以爲民造福之事歸功於神之靈余素不信神神之大有造於合民彰彰也是則可誌也因從士民請爲石記之以告後之牧斯民者至總神廟之名

州人傳此義無取焉茲不贅

